



40-4514

了翁上座請大藏及百
家書置武州紫雲山
我微笑塔院廬中永
為學者不敢許出院內
當山二世鐵牛機謹認

3 64853

大方廣佛華嚴經疏卷第四十一

唐清涼山大華嚴寺沙門

澄觀撰

第七遠行地所以來者已說緣起相應慧住寄於緣覺次說有加行有功用無相住寄菩薩地故次來也
都伽云前地雖能多住無相作意而未能令無相作意無間無缺多修習住爲令滿故次有此來又前功用未滿今令滿故言遠行者通有四義成唯識云至無相住功用後邊出過世間二乘道故此有三義同於本分已如前釋解深密云能遠證入無缺無間無相作意與清淨地共相隣接故名遠行此有二義初

般若

二月有事房系品第十一

卷之三

義卽三中無相揀異前地云無間缺後義由隣後地卽能遠去故故下經云二界中間此能過故亦是前行後遠攝大乘云至功用行最後邊者但是一義世親釋云雖一切相不能動搖而於無相猶有名有行者此解功用之言謂起功用住無相故金光明經同深密初義莊嚴論中同深密後義雖有四義然通有二義立遠行名一從前遠來至功用邊二此功用行邊能遠去後位故十住論云去三界遠近法王位故名遠地仁王名遠達地者亦通二義然其能遠去行正是無相故所離障離細相現行障謂六地執生滅細相現行故此生滅相卽是二愚一細相現行愚謂執有緣生流轉細生相故二純作意求無相愚卽執有細還滅相故以純作意於無相勤求未能空中起有勝行至此地中方能斷之以常在無相故不執生更不作意勤求無相故能證得法無差別真如以了種種教法同真無相故以能空中起有勝行故成方便度二行雙行乃至亦得無相之果故知以純無相不礙起行為此地別義次正釋文亦有三分初讚請中有十二頌前十讚後二請前中分四初二天衆讚說主次一天主光雲供佛表智契法身故三有一頌天

撰述

大方廣佛華嚴經卷第十一

五

衆慶聞四有六頌天女樂音讚佛於中初一顯聲因緣餘五正顯讚詞於中初四讚寂用無礙後一明起用所由卽悲智無礙將說雙行故承力讚此後請可知第二正說分中二先行後果行中有五種相差别一樂無作行對治差別二彼障對治差別三雙行勝差別四前上地勝差別五彼果差別五中初一是趣地方便卽當入心餘四爲住出心在果又住中初一卽初住地次一正住地次一說雖在後義該始終後一地滿初言樂無作者樂著般若觀空故卽細相現行障此地隨有不著爲能對治二謂向雖能治前地

樂空之心以其有量有功用卽復是障故修無量無功用行以爲對治三垢障旣盡故止觀雙行四明此地功用過前六地勝後三地上卽後也五由地滿故說雙行果今初分中有四初結前標後二何等下徵顯其相三菩薩以如是下結行功能四入已下彰其分齊今初具足六地行已卽是結前義含所治無相行故以般若無相行滿於此生著非增上行故次欲入下明其標後十種方便卽是能治謂前樂無作不名方便不能起增上行非殊勝道今以十種不捨衆生法無我智以爲能治治前樂心名方便慧便能攝

取增上行故名起殊勝道是則卽有修空故不住空
是空中方便慧卽空涉有故不住有是有中殊勝道
道卽行也所行殊勝故名增上於何增上謂前所寄
世出世中卽空故勝於世間卽能涉有故勝出世間
前六地中雖亦修悲不住於無而在寂不能出空方
作故不得方便殊勝之名雖行空行有而多著空但
名樂無作治二徵顯中所以勝行得增上無勝者由
下十義故義各二句皆上句觀空下句涉有上句得
下句卽成空中方便慧下句得上句卽成有中殊勝
行不滯空有金致雖言論主攝十爲四種功德謂前

三各一後七爲一故一初句卽護惡行因事菩薩惡
行有其二種一不樂利樂二起愛見今由上句故無
愛見由下句故能利樂若二中互闕皆有惡行今由
二句護之爲無愛見之悲因事二卽財及身勝因事
由供佛故獲財及身由得平等故二事皆勝勝財則
隨物所須勝身隨意取其何類三護善根因事善根
卽勤集福德爲菩提資糧今以卽空智而集是得彼
勝因增上令所集功德法皆成增上波羅密行名之
爲護雖有慈悲但是增上意樂故三皆自利後七同
是利他合爲第四攝衆生因事卽爲七種初一隨物

受生次二化令離障後四攝令住善初中願力受生爲作衆生上首故須莊嚴三界但是願生非由業惑故云遠離二說對治故謂示起煩惱欲令治斷而知性寂方爲第一義治令見常自寂故三爲滅智障故障有四種如五地隨世智中說令隨衆生心作書論等無量事業而爲能治四於大法衆會集故爲物起嚴土行此明依報下三明正報三輪益物五卽身業無身現身者令生五福謂見聞親近供養修行故自身無身同佛法身故下二亦然六卽口業轉法輪故七卽意業於無長短中隨問善釋記三世事起三世

行故第三總結勝能中論釋云此十種發起殊勝行共對攝取對治攝取者皆上下二句相對名爲共對由此上下各能對治皆上句治凡下句治小隨治不同義如前說由二攝取名殊勝行對治前障四彰分齊者明無相無間故無相地名從此而立此亦卽攝前不退住不同前六前六得住地已捨入地心以修解入非以行入此以行入故常行不捨名不退住第二佛子菩薩摩訶薩住此第七下彼障對治卽攝無著行有量功用皆不著故言對治者有二種相一修行無量種治前有量障二此菩薩作是念下修行無

功用行治前有功用障今初有二十句攝成十對一
 對中皆上句明境界無量爲所知所化後句明佛
 德業無量爲能知能化菩薩入彼佛化以用化生要
 則攝十爲五卽五無量界初一對衆生無量論云隨
 所化何等衆生此對爲總十對皆爲利衆生故言何
 等者類非一故釋經無量之言隨所者隨多類宜而
 以無量化衆生業而化故二有一對衆生住何等處
 謂住世界無量以淨土行化故三有二對以何等智
 慧化初對橫窮諸法智後對豎窮三世智皆是種智
 二對約其所知皆是法界無量四有三對明調伏界
 無量初二對明以何等心於中初對隨衆生信樂種
 種天身菩薩以名色身化故謂心隨其樂同修天行
 得天身故口隨其信以名句身說彼行故第二對知
 昔根欲不同以隨類音稱根說故次一對以何等行
 謂知現在心行不同以徧趣行說對治故五有三對
 明調伏方便界論云置何等乘謂置三乘故初對爲
 聲聞說智道令證滅故次對爲緣覺說深智令知因
 緣故後對爲菩薩說地度集成事稱彼方便涉有故
 第二修無功用行中二先加行趣求後佛子此菩薩
 下正顯修行今初先牒前無量爲所趣求我悉下要

期以無功無相攝取彼境無分別者謂不取性相忘
緣等照卽無相觀也加以無功無相尤勝然任放天
性不由勤策自然而行亡功合道名無功用八地方
證今要心住彼故云應以由功用行此已滿故此則
修行無功非如八地任運無功也二正顯中初牒前
觀智次常勤修下是修行相方便已下是所修法卽
前空中方便慧有中殊勝行旣以無功無相智修能
治功用有相之障後安住不動顯觀成相此卽行成
不動非如八地相用不動第三無有一念下辨雙行
勝文分四別一二行雙無間二常不捨下信勝三此

菩薩於念念下能作大義四佛子此十下菩提分差
別四中前三別顯後一總該三中前一自分後二勝
進今初無有一念休息廢捨者正顯雙行無間之義
謂不捨前不動之止觀察之觀爲止觀二行雙行一
念不休卽無間義次行住下顯無間時謂四儀睡寤
舉睡夢者以昧況審二信勝者論云彼無量智中殊
異義莊嚴相現前專念故者專念忍可卽是信義常
信前十無量二嚴佛境故名爲勝三作大義者一念
頓具十度之行義利廣故念念修起故名爲作文中
二先總明後何以下徵釋徵云十度行異一念寧圓

撰述

大藏傳列傳卷之二

七

宣二

釋文分二先明能具所以由悲智雙運故後所有下顯所具之相檀通悲智忍唯約悲餘皆約智然此中十相意令一念十相不同故三檀等中隨取其一可以意得理實無所不具故下菩提分中云一切皆滿前六可知但釋後四方便涉事云無量智以是智故又能出生施等行願以攝衆生故名方便願中由此願智能求八地已上上上大波羅密攝取彼勝行故次方中以是智故遠離布施等障故不爲彼動智中以是智故布施等一切種差別如實了知爲化衆生故此四相皆從用立名通成前六亦有別成前六等

金如初會中辨一念具十念念皆然初心欲修至此方得四菩提分差別中有四種相前二攝善後二離過一依大乘行謂十度自利此卽大義結文爲顯十度通二義故論將屬後巧用經文二四攝者卽依教化衆生三四持等卽依煩惱障增上淨故謂依四持爲所住處以三解脫爲所依門修行三十七品則得煩惱障淨任持自分故名爲持亦名四家所住處故四者一般若家此是能照二者諦家卽是所照三捨煩惱家四苦清淨家由初二勝業離此惑苦若約別說初一見道前次三卽見修無學四略說下依智障

清淨以無所不具故離塵沙無明第四爾時解脫月
下前上地勝差別中二初明勝前六地二何以故菩
薩從初下明勝後三地勝卽增上義前中二先問問
意云若先已具此何獨言若先未具何得成此後答
中三初標次徵後釋釋中二先別顯此地勝相功用
行滿卽自分滿足得入下勝進趣後由此二義故能
勝前智慧卽八地證智自在卽五通大用十自在等
二佛子下通示諸地滿相卽遠釋十地皆滿足言近
釋七地功用滿語故論徵云云何此地中方便行滿
足方便卽功用也具十方便故論自釋云彼餘世間

出世間中更起殊勝行是故此七地中起一切佛法
故者謂前三世間次三出世此則更互各一殊勝行
今一切中具起所以名滿初地願中具二地戒中具
三地聞中具而云願增長者欲依如來智慧利衆生
故餘可知七地一切者瑜伽論中說佛功德七地皆
得八地成就九地具足十地圓滿有少餘障未名清
淨離已卽是清淨菩提二明勝後三地文中四一法
二喻三合四因論生論今初先徵後釋徵意云何以
前六各一至七方具一切釋云從初積集至此成故
此酬前徵由此便能令後三地勝行成就斯乃勝後

60123456789

70123456789

80123456789

撰述

卷之二

九

寅

勝前但約能入八地勝後令後地無功行成乃至十
地要由積功以至無功之功故合中有雜染行合雜
染世界然有二義一卽前六二通前七有清淨行合
純淨界卽後三地中間難過亦有二義一若六地爲
雜則七地爲中間若七地皆雜則從七至八卽曰中
間難過者猶娑婆之於極樂淨穢域絕前六後三難
過亦爾要得此地大願方便方能越之淨由此到染
由此過故此一地最爲勝要四因論生論中先問後
答問意云前後可知但言中間爲何所屬答意明非
染非淨亦得名爲亦染亦淨故名中間於中二先通

將七地對後彰劣攝此第七通於染淨則成前七地
皆是染淨相雜非純染行故論云從初地來離一切
煩惱示現如是此地名爲染淨非染行故二佛子此
第七下別將此地對前彰勝顯此第七雙非染淨故
成前第七是中間義今初通中有法喻合法中初標
離惑業顯是淨故次以廻向下釋上淨義以二因故
後然未下卽由上二顯同前染非報行故次喻中輪
王喻七地隨分捨功用道故梵王喻於八地報得初
禪游千界故然法中對問但明前七喻中舉勝顯劣
故兼明上地合文準此可知第二別明此地雙非染

淨初總明盡超過多貪等者盡超故勝前求佛之心爲貪厭世爲瞋取空著有爲癡至此盡超又初地超貪檀度滿故二三超瞋尸忍滿故三亦超癡得聞持故四地超慢道品離我相故五地超疑了諸諦故六地超見入般若故此地總超隨惑等常在觀故故云盡超而云多者顯非報行故則細者未超次住此下正明形前望後以顯雙非後何以下釋雙非義常在觀故惑不現行卽過前也有功用行名求未滿卽劣後也功用卽是煩惱以有起動故第五佛子菩薩住此第七下彼果分中論主此中名雙行果此果實通

諸分以雙行是正住行親生此果故又以雙行該於諸分皆雙行故名雙行果文分四果一業清淨二得勝三昧三得過地四得勝行遠公云初卽彼障對治果二卽雙行果三卽前上地勝果勝行轉增故四卽樂無作行對治果以彼方便及起勝行滿足在此故又初一卽自他二行雙行二卽定慧雙行三卽悲智等雙行四卽寂用雙行就初果中復分四種一者戒清淨於中初約性戒明戒但三業淨後所有已下約制聽明戒則惡止善行二世間所有下世間智淨此辨行用三此菩薩下明得自身勝此明行體論云心

撰述

妙法蓮華經卷四十一

十一

章二

行二平等無與等者謂深心及妙行爲二深心卽證行猶是前十方便妙行卽教行亦是前起勝行此二齊起故云平等不同前地有無間生四諸禪下明得勝力謂得禪等現前勝功德力故上三自分此一勝進文中二初明離定障禪等已見品初論云寂滅樂行故此釋三昧是現法樂住禪次云滅定三摩跋提者以三摩鉢底有其五種一四無色二八勝處三十徧處四滅盡定五無想定前四菩薩多入爲化衆生後一不入非聖法故今於五中正意在於滅定故論別明下解脫月亦因此言問何位中能入滅定也後此地下離智障可知第二佛子菩薩住此地入菩薩下明三昧勝分二初別舉十名後入如是下總結多類今初前五自利後五利他又前五起解後五成行又前五現法樂住後五利益衆生前中初二知理次二知教義後一知事一云善觀擇者依未觀義伏心令觀二依已觀義重更思審故論經云善思義三昧三依一名說無量義故云最勝四依一義說無量名故云分別義含於名故稱爲藏五依通一切五明處如事實故後五中初一依煩惱障淨真如觀堅固根故般若云不動法界故真如觀爲堅起信云真如三

撰述

妙法蓮華經疏卷第十一

十一

宣

昧爲諸定之本故此云根此一顯行深後四依智障淨以顯行廣爲治四障故經卽能治障在文外四中初一助道次二證道後一不住道初智通者治勝功德障智通卽是勝德下三倣此以智與通化利鉢二類令入一實故名爲門二治無礙智障雙照事理二法界爲業故三治於深上佛法怯弱障大悲勝利安住涅槃能建大事是佛深上故四治不住行障種種義藏者種種善根故此善能生不住故名爲藏修有爲善根故不住涅槃修無爲善根故不生生死種種善根卽無住之門後結可知第三是菩薩得此下明

過地於中三一行修善巧過二作業廣大過三修行勝入過今初過法有二一巧智二深悲過相亦二一下過二乘二上過智地智慧地卽八地無功用智由此地中雙觀止觀便至彼處法流水中任運雙流趣佛智海二佛子菩薩住此下作業廣大過中二先正顯過後解脫月下降過分齊今初中先對下彰出過言無相者卽前樂無作對治無量者卽前無量對治入定離相二乘容有而非無量故此無量顯異二乘善淨之言顯過下地謂修方便行滿足故後得無生法忍光明對上彰入過是彼八地無生法忍明相現

撰述

妙法蓮華經卷十一

十一

宣一

前故下地未得故二彰過分齊中二先難卽執前同後難後答卽揀後異前答有法喻合法中非自力者障現行故喻中王家卽如來家王后卽得真法喜修二利故名爲王相合中大法卽法中佛果法自所行觀故是自力能過此約寄位廣如初地中辨餘文可知三佛子下明行修勝入過謂非但如前廣多無量而功用難測深無分量勝而過也論云神力亦無量者神卽難測義也文中言甚深者卽遠入無底故遠離者彼前障滅故無行者無相之行無所行故彼前

六地不能行故常行者此無間故得此三業卽當體深入過勤求下卽趣後勝入故二乘亦有離彼相業而得少爲足不能上求菩提求故過也是故已下結雙行過第四解脫月下明得勝行於中二先得寂滅勝行在定不住故卽方便智也二佛子此菩薩下得發起勝卽起殊勝行前中先問後答答中先明得法分齊六地入深緣起之實際未念念入者有出觀故後今住下辨勝過劣於中有法喻合法中先正明得而不證後此菩薩下出不證所以以得方便卽寂起用故成不可思議三業故能不起滅定現諸威儀喻云

撰述

卷之二

廿四

宣一

善巧力者知行船法知水相故準大品經未善巧前亦有其喻方便未成入水便敗故合云波羅蜜船卽般若等也以願力者是方便不捨有因二明發起勝行中亦是上來已攝無著行此下攝平等隨順一切衆生廻向且依發起勝行文分爲二初牒前標後由得滅定三昧不作證智故成後大方便也後雖示下正顯勝行經有十句論爲八種共對治攝謂後三爲一故能治所治二行共俱互相攝故如示生死爲所治以恒住涅槃爲能治能治攝於所治則不爲生死所染亦得以涅槃爲所治示現生死爲能治能治攝於所治而不證於涅槃他皆倣此八中初一爲總故云生死涅槃論云一起功德行謂入生死爲福業事故淨名云生死畏中當依如來功德之力不入生死海不得無價寶珠何有功德二上首攝餘行謂旣示生死必爲上首攝眷屬故三願取有行非業所拘故處而不染四家不斷行謂雖言不染而示有妻子名家不斷雖然不燒者示有常修梵行故唯此一句具空中方便慧有中殊勝行上下皆應倣此從略故無五者入行謂非獨化凡亦轉二乘入佛慧故六資生行謂雖知五欲卽道舍攝佛法而飲食資身睡夢資

撰述

大方廣佛華嚴經疏卷四十一

三

宣

神皆順五欲十軍是魔境界七退行謂示老病死衰
 退卽四魔等法不行其因名超魔道八者轉行謂初
 四化凡次一化小次二化魔今由自行不染故轉凡
 之惑今絕其因此有三種一見貪轉外道著諸見故
 如佛示學二仙今彼轉捨諸見著故二障礙轉如佛
 示學書筭等三所有下貪轉如佛處於王宮不生染
 著第二位果初調柔中文亦有四初調柔行體中亦
 有法喻合法中亦三初緣次於彼下能練行言護持
 正法者由方便行滿守護於他故得於三界爲大師
 所以能護三利益衆生下明所練淨論云此地釋名
 應知者卽以經文爲釋名謂利益衆生是有中殊勝
 行法忍清淨卽空中方便智此二是行善根轉更增
 勝者明功用究竟卽是遠義喻中金喻證智信等善
 根衆寶間錯者卽一切菩提分法方便行功用滿足
 故令前善根轉勝第二佛子譬如日光下明教智淨
 先喻後合喻中光義如前地而此日光盛故勝彼月
 光以月光清涼如般若故日光用廣如方便故餘金
 可知第三重頌二十一頌分三初十七頌半頌位行
 次二頌半頌位果後一頌歎勝結說前中分五初四
 頌樂無作行對治次二頌彼障對治中無量略不頌

撰述

大藏經卷第十一

十一

宣二

無功用行三有三頌頌雙行無間四有五頌頌前上地勝分言三諍息者約忍度故又得法光明故無有諍五有三頌半頌雙行果已下入第三十八經第八不動地所

第八

以來者瑜伽云雖於無相作意無缺無間多修習住而未能於無相住中捨離功用又未能得於相自在修習得滿故次來也又約寄位初之三地寄同世間次有四地寄三乘法第八已去寄顯一乘故莊嚴論釋第七地云近一乘故梁論亦說八地已上以爲一乘是知從前差別進入一乘故次來也言不動者總有三義故成唯識云無分別智任運相續相用煩惱

不能動故謂任運故功用不能動相續故相不能動總由上二煩惱不動與本分大同而金光明云無相正思惟修得自在諸煩惱行不能令動但有二義由相於前已不動故行卽功用攝論云由一切相有用行不能動故此則略無煩惱無性釋意云第七地行動相不動此中行相俱不動世親同此解深密云由於無相得無功用於諸法中不爲現前煩惱所動此但約煩惱不動上二十住論云若天魔梵沙門婆羅門無能動其願故此卽約人不能動人亦是相仁王名等觀地者上皆對他立名此約當體受稱卽無

撰述

大方廣佛華嚴經疏卷四十一

七

宣一

相觀下經自有釋名至彼當知若不動名諸論雖異
金不出前三故所離障亦離無相中作加行障由有
加行未能任運現相及土此地能斷說斷二愚一於
無相作用愚二於相自在愚令於相中不自在故
其所證如名不增減以住無相不隨淨染有增減故
卽此亦名相土自在所依真如證此真如現相現土
皆自在故故所成行亦名無生法忍相土自在及所
得果卽定自在等皆由無相無功用故次正釋文亦
有三分初讚請中有十二頌分二前十誦後二請前
中二初二天王天衆供讚後八天女樂讚於中二初二

二標讚所依餘六正顯讚德總讚如來身土自在將
說身土自在地故於中毛端約刹論處毛孔約身六
中前四依正互在五依正重重六轉變自在兼結無
盡後請可知第二正說分中二先地行後地果前中
有七種差別一總明方便集作地分二入一切法本
來無生下得淨忍分三佛子菩薩成就此忍下得勝
行分四佛子菩薩住此第八地以大下淨佛國土分
五佛子菩薩成就如是身智下得自在分六此菩薩
如是入已下大勝分七佛子此菩薩智地下釋名分
七中初二是趣地方便一是遠方便總前七地集作

601234567897012345678980123456789

撰述

大藏傳記卷之四

七

宣

此地方便故二是近方便前地得忍光明此修熟令淨故三是初住地行謂依前淨忍發起勝修故次二卽安住地行謂四是正住之始依前勝行更起修淨佛土之行五卽正住之終由淨土行成德無礙六是地滿行此地望前通皆是勝今復地滿勝中之勝故云大勝七卽辨德彰號通於始終又前二分卽是入心餘是住心今初分二先標集德處謂總前七地非獨第七第七雖亦有下十法而非次第以是功用行滿無功用際故總集之卽四節中當第三也後善修已下正顯所集有十一句分二前三同相諸地通行

故後八別相諸地異修故同中三句一二種無我上上證故此卽證道地地轉勝名上上證巧證不著經云方便二善淨諸道者不住道清淨故悲智雙運故名爲諸三善集助道者彼方便智行所攝滿足助菩提分法故方便是前證道行卽不住道悲智等行故菩提分卽是彼二所攝之助助彼二故後大願下別相攝八爲七初地大願攝持能至此故二二地攝善戒中如來力加故彼經爲證十力四無所畏等故是故我今等行十善等卽上承佛力三地中因修自證禪定神通名自善力所持四常念下論云四地中

撰述

大藏經卷之三

十一

宣二

所說法分別智教化智障淨勝念通達佛法者謂前十法明門是智分別卽前觀察依彼智明入如來所說法中次教化智卽彼經清淨分中以十種智成就法故生如來家障淨勝者卽彼論釋謂滅三地智障攝四地勝智故上之二段皆念通達佛法故與此同五地中有十種平等深淨心故云善淨深心此心卽是思覺六能成下六地中三種大悲故云成就福德三皆觀因緣集卽成就智慧七中一句以近此地故初空中方便智有中殊勝行皆是大慈大悲不捨衆生行次句卽前以無量衆生界故入無量智道第二

淨忍分有十五句分三初十正明無生忍次四明無生忍淨後一結得忍名然無生忍略有二種一約法二約行約法則諸無起作之理皆曰無生慧心安此故名爲忍卽正明中意約行則報行純熟智冥於理無相無功曠若虛空湛猶渟海心識妄惑寂然不起方曰無生卽淨忍中意前一猶通諸地未得於後不稱淨忍今初段中言一切法者總該萬有理事之法入卽證達以歷事難窮略陳其十十中相從爲四無生前七爲一名事無生後三各一二自性無生三數差別無生四作業無生四中一破相二破性三因泯

60123456789

四果離卽前二破相入如後二證實捨相若寄位初
加行二正體四後得三通始終又四中約法性收不
出真妄妄法本空稱曰無生真法離相亦曰無生依
佛性等論說三性無生如初會說事無生中前四不
增正顯無生後三不減亦卽無滅法本不生今則無
減以初攝後皆曰無生別言七者爲治七種實故實
者隨相執定故一淨分法中本有實謂計自性住性
爲事物有今爲治此故云本來無生本性離故先若
有生後應減故二新新生實計習所成性爲實治此
云無起從緣起故三相實卽計前二性所生行相治

此云無相前二能生無故四後際實謂計於佛果後
際出纏治此云無成真如出纏非新成故菩薩成佛
時煩惱作菩提故上四初一自性住佛性次二引出
後一至得果性又此四展轉釋疑可知五先際實謂
對佛果後際衆生煩惱爲先治此云無壞煩惱卽空
無可壞故菩薩未成佛時菩提作煩惱故染淨和合
以爲衆生前遣淨分此遣染分又前卽不空藏此卽
空藏皆不可得六論云盡實諸衆生者謂執衆生念
念盡故揀上煩惱故特云諸衆生故上經云一切凡
夫行莫不速歸盡治此云無盡其性如虛空故七論

撰述

廣雅

三

宣二

云雜染實淨分中者謂修行位中轉染向淨治此云無轉若定有實不可轉古論經云不行謂能轉之行不可得故次二無性爲性者卽自性無生此則顯詮論經云非有有性者明非有彼定執自性此則遮詮遮顯雖殊義旨不異無性卽是法無我理此理旣以無性爲其自性則自體無性非是先有今無亦非全無真體故云爲性以前觀事無生正忍此理故論云彼觀事故是此忍不得言無斯則非有非無以顯中道此二亦不二又此理亦非所觀事外故論云所有觀法無我理無二相故斯則非卽非離無二爲中

道義第三初中後際皆悉平等者卽數差別無生於三時中染淨法不增減故謂先際非染增淨減後際非淨增染減中際亦非半增半減以知三際皆空無自性故然準瑜伽前三句約三世此中約位以明三際故論就染淨明之第四無分別下作業差別無生果位作用名業差別如智貫之則無差別無差別卽是無生下如是理如上如是智如智如於真理故無分別此智是佛究竟入處今菩薩證如同佛入處故論云於真如中淨無分別佛智故如是四種皆是示現無生凡觀第二離一切下明忍淨中初句離障後

換述

大方廣佛華嚴經疏卷第四十一

三顯治前言離者論云示現行遠離謂契實捨妄名行遠離揀非心體離也所離一切略有二種一離心者離報心憶想分別謂第八異熟識轉現徧行亦不行故二離意識者離方便心憶想分別論云離攝受分別性想故謂六七識及中心所等亦不行故是則心行處滅名離一切想後無所取下明治上但明所治非有今明能治不無故論云想者遠離障法想非無治法想者治卽無分別智所以明此有二義故一揀異斷滅外道無想二乘滅盡故二揀異如來尚是照寂非寂照故故云此想於下地有三種勝一無功

自然行故云無所取著謂無取果心任性自進故此顯治妙二徧一切法想故云猶如虛空此顯治廣三入真如不動自然行故云入一切法如虛空性此顯治深此則入於起信離念相者等虛空界無所不徧法界一相故云入一切法如虛空性然論云不動自然行者任性趣故非謂有彼自然行心故上離卽止此治卽觀無功雙運唯證相應勿滯言也結名可知

大方廣佛華嚴經疏卷第四十一

撰述

大方廣佛華嚴經疏卷第十一

十一

十一

冉陽居士賀懋熙懋照懋寧懋壽懋輝仰承
先嚴賀學禮遺願施賁刻此

大方廣佛華嚴經疏卷第四十一 計字九千
零二十箇 該銀四兩五錢一分整

崇禎五年孟夏月龍山釋海瓊對

化城寺識

大方廣佛華嚴經疏卷第四十二

唐清涼山大華嚴寺沙門 澄觀撰

第三得勝行中二初明深行勝對前彰出二佛子此地菩薩下發起勝對後彰入前中亦是攝童真住文中二先結前生後以入第八地是結前入位生後深行爲所依故二爲深行下正顯深行先法後喻法中八句初一總相位行玄奧故餘七別相一難可知者卽難入深正是對下彰出二無差別者同行深與諸無漏淨地菩薩同故如麥在麥聚故難知差別三離一切下境界深分齊殊絕故由所取相離能取相不

撰述

大方廣佛經疏卷四十一

三

宣三

現前故復言離一切執著者護此地一切所治障想故四無量無邊卽修行深自利無分量利他無邊故五一一切等明不退深二乘不能壞其勝故前句當相辨大此句寄對以明六離諸誼諍卽離障深謂離功用障故七寂滅現前卽對治現前深以證真如爲能治故一切寂滅上七別中相從束爲三分能離前地四種惱患謂初三明此地境分殊絕離第四微細想行過謂求如來智猶未息等次二明正行廣大離前三化生勤方便過謂十無量等猶有勤故後二明離障寂滅離前二過一離第二淨地勤方便過卽

修無功用日夜常修及行住坐卧皆起道等二離第一有行有間發過此之四過如地持說喻伽名四災患義次亦同第二喻中文有三喻從後次第喻前三段爲順治障從細至麤故法中顯深故從麤至細三中各有喻合今初滅定喻喻前離障寂滅喻中那含羅漢心解脫人多能入之九次第定當其第九故云乃至動心息者謂所依六七心王已滅能依心所憶想自亡合中住不動地合入滅定卽捨已下合動心止息卽捨一切功用行者過所治故得無功用法者明得彼治法故身口等息者以得無功用法自然行

撰述

本居宣長著卷四十一

三

宣二

故卽同前無所取著離第一有行有間發過住於報行者文含一意一亦成上示現得有功用行相違法謂得無功用地故此約敎道同前無所取著二者謂善住阿賴耶識真如法中故此約證道同前入一切法如虛空性卽離第二淨地勤方便過不同前地修無功用故云報行報行者前地所修報熟現前故住真如者以本識有二分一妄染分凡夫所住二真淨分此地所住由住真如故捨黎耶之名又佛地單住真如不云黎耶真如今爲有變易報在是故雙舉則黎耶言約異熟識如來但名無垢識故第二夢寤喻喻前正行廣大論云示此行護彼過想者離彼化生勤方便過故有正智想者非無此地無功智故如從夢寤雖無夢想非無寤想但此行寂滅故云所作皆息合中勇猛約心精進約行合上方便並是功用二行已下出所息障依內證清淨生死涅槃二心不行名二行不現如彼寤時此彼岸無依外緣境界受用念想不行故云相行不現卽離化生聖道等想如彼寤時人船俱無合中見人墮河喻中身自墮者衆生病卽菩薩病故第三生梵天喻境分殊絕合中初正合下地心意識不現合欲界心不現行也所以不

撰述

卷四十二

三

竇十二

行者得報行故此離微細想行過故論云此說遠離勝也後此菩薩下舉勝況劣謂佛等不順行世間一分心等尚不行況順行世間一分心耶佛心等者卽七地求如來智心也此中但況世間亦應以大況小大尚不行況小乘耶則若世若出世若人若法若因若果若智若斷皆不行也第二明發起勝行此下亦是攝尊重行因勸起行皆尊重故勝亦尊重之義文中四一說主總敘二作如是下正顯勸辭三佛子諸佛世尊下顯勸所爲四佛子若諸佛下彰勸之益今初願卽勸因如第三勸中論云本願力住故者迴文未盡應言住本願力故諸佛世尊下總顯勸相諸佛所以與智勸者轉彼深行樂足之心令人法流門故法流者決彼無生止水令起無功用行河任運趣佛智海卽以能趣爲門又法流者卽是行海言與智者有二意故一現與覺念猶彼意加二令起修取故名爲與下之七勸皆佛智攝故但云與智前地未淨此忍故此方與以得此忍攝德本故一與之後不復欲沉二正顯勸辭中有二先讚將欲取之必固與之後然善男子下勸於中有七一勸修如來善調御智二勸悲愍衆生三勸成其本願四勸求無礙智五勸成

601234567897012345678980123456789

撰述

大藏經卷四十一

四

宣二

佛外報六勸證佛內明無量勝行七勸總修無遺成
徧知道遠公攝七爲二前六舉多未作轉其住心後
一明其少作能成增其去心經無此文論似有意於
理無違今攝爲三前三勸其下化初一化法次一正
化後一化願次三勸其上求初一折其所得非勝後
二引其求佛勝果若外若內三最後一勸總結多門
以所作無邊別說難盡故然七皆含轉住增去今初
有三一明多未作以未得修十力等教授衆生法故
二汝應下勸令修習三勿復下莫捨忍門然捨有二
義一若以放捨身心住此忍門斯則不應故云勿復

是以論云若不捨此忍行不得成就一切佛法此令
捨著一全棄捨則所不應故論云依彼有力能作故
故云勿復放捨此令依之第二勸中三初明白所得
忍二然諸下明他無忍起過在家多有煩惱出家多
起覺觀皆是衆生無利益事三汝當下勸起悲心悲
心依上而轉第三勸中願有二種一依廣心下化衆
生二皆令得下依大心然有二義一令他得二令自
得自得佛智依此智行能廣利故第四勸中有三初
法性真常定其所尚次諸佛下奪其異佛勸其上求
以有深無礙智大用無涯方不共二乘故後一切下

撰述

文廣傳書齋集卷四十一

五

宣二

抑同二乘令不住忍三獸渡河同涉理故功行疲倦
趣寂爲垢故應勿住第五勸中舉身相等六皆是化
生事業若成就此法則有力化生故勸修成就第六
勸中有三初明其所得未廣次善男子下示佛無量
勝行無量入者所入法門差別故作是法門業用轉
是業用上上不斷後汝應下結勸第七勸中二先舉
三種無量卽淨土中三自在行後悉應下結勸明少
作在既言悉應通達明少分觀察卽能成就去佛非
遙此同德生勸於善財勿以少行而生知足故云無
量第三顯勸所爲令起智業故第四彰勸益中亦是

所爲爲是故勸於中二先明不勸之損故不得不勸
後以諸佛下彰勸之益是故須勸今初有二一自損
旣不與智卽入涅槃故應須與故論二卽入涅槃者
與智慧示現二者損他不利生故問始行之流尚修
無住豈深智地取滅須勸頗有一人佛不與智便取
滅不答有四義故是以須勸一爲引斥定性二乘明
菩薩此地大寂滅處猶有勸起況彼所得寧爲究竟
二爲警覺漸悟菩薩樂寂之習三爲發起始行無厭
上求四爲顯此地甚深玄奧難捨所以須勸但有此
深奧法流之處必有諸佛作七勸橋故無一人便取

撰述

妙法蓮華經疏卷四十一

卷二

宣二

永寂又設佛不勸亦無趣寂爲顯勸益假以爲言第二勸益中有法喻合法中三初牒前與智彰益之因故論云彼行中攝功德因勝故云何勝諸佛同作教授說故二於一下起行速疾三何以下釋疾所由謂先唯一身故長時劣此一念此地身等無量故一念頓超有十一句前十別明後一總結十中初六依教化衆生次二依自集助道後二依障清淨十中一多身隨現所以多者論云一切菩薩身信解如自一身故謂智契同體故能卽一爲多此實報能爲不同前諸地變化此對前一身餘音聲等對前起行類亦無量二圓音隨說三隨所知智四隨取何類生五隨應以何國六隨其教化何類衆生七隨供養集福德助道八隨入何法門集智慧助道九隨神通障淨十隨智慧障淨故能處無量衆會隨機說法皆言隨者隨宜非一釋無量言故隨時之義其大矣哉後一結釋中先結謂起行衆多不離三業後以不動法故者釋由無相無功無有間斷故相用不動任運集成喻中船喻彼行速疾論云應知因勝示現者釋疾所由船由入海故疾行入無生故疾合中初合未至海卽前七地次到菩薩下合若至海卽第八地無生之智亦

撰述

大藏經卷四

十一

宣二

是行故名爲行海又頓能偏起卽深而廣亦得名海無功用智以合上風一切智境明其趣果前喻所無以無生智同佛智海故喻不分本有已下合前校量大文第四淨土分者問經中但云大方便智一切觀察皆如實知廣說化生應形作用瑜伽論中十自在前起智門後但云得分身智何以論主判爲淨土分耶答淨土有二一是能淨之因二是所淨之果此有二對一相淨果謂寶嚴等以行業爲因謂直心等二自在淨果謂三世間圓融等以德業爲因謂淨土三昧等今約後對然淨土行業始起在凡滿在十地淨土德業始起不動終在如來文分三別一器世間自在行二衆生世間自在行三智正覺世間自在行初是化處次是所化後是能化具後一淨方名淨土然初一多約能淨後二多約所淨文影略耳就初分二先總標舉無功用智爲能觀智智所行境爲所觀方便善巧卽無功用因在於七地修無功用今得自在後所謂下別顯其相有五種自在一隨心欲二隨何欲三隨時欲四隨廣陥欲五隨心幾許欲今初觀世間成壞論云隨心所欲彼能現及不現故者謂約能淨論隨隨自心欲知卽能知故約所淨論隨隨衆生

撰述

卷四十一

三

宣二

心樂欲見者則現成現壞不欲見者則不現故經云觀知則唯約因論主欲顯義兼於果故云隨現卽轉變自在下之四段隨現準知二由此業下明隨時欲謂隨物欲知何業成壞皆能現故三幾時成下明隨時欲謂隨時長短卽能現故若約能淨卽隨時智如此世界成二十劫初劫成器餘成衆生壞亦二十先壞衆生後一壞器並稱事稱理名如實知四又知地下隨廣陥欲彼能現故文中三初知四大差別卽是廣相二知微塵下是知陥相三隨何世界所有地水下知能所成卽雙明廣陥相今初中小学者非定地

報識境界大相者定地境界乃至四禪緣三千故無量者如來境界上三是事分齊皆以境界智知差別相者是法分齊故以相智知知其自相同相差別故後類餘易了二知塵中細者透金塵故論經次云麤相者隙塵故差別同前無量差別者一塵之中含多法故塵之麤細俱通定散故不云小大三知能所成中二先總知內外二知地獄下別明六道斯卽楞伽責所不問意顯窮幽又云無性故第五又知欲界下卽三界互望論大小今卽一界之中自分大小欲界明隨心幾許欲卽能現故文中二初約智知自在上

撰述

卷四十一

九

官二

中人境爲小天境爲大色中覺觀爲小無覺觀爲大無色界中論云佛法中凡境爲小聲聞菩薩爲大者爲揀外道妄取爲涅槃故特云佛法如來所知一切三界皆名無量相第二佛子菩薩復起下約通明自在隨物現化文中三一隨機現化於中初標能化智次所謂下明所知機有三句一知身類不同故二知隨身宜用方便異故三生何等界能利生故後隨其下正明隨化雖言現身意在生處故屬器界二此菩薩於一三千下明化分齊三此菩薩成就下明現自在謂不動而徧猶月入百川第二佛子此菩薩隨諸

衆生身心下明衆生世間自在行謂隨感能應調伏衆生自在故於中三初總明感應二所謂下別顯感應於中顯化生行有二自在一化同物身沙門中現沙門形等故卽身自同事二又應下化應物心以身不必同其所化卽心自同事故論云彼行化衆生身心自同事三佛子菩薩如是下總結感應如是如是者現類衆多故若身若心無偏頓應故論結云自身心等分示現也第三佛子此菩薩遠離下明智正覺世間自在行遠公云若就行境應名二諦自在行今就行體名智正覺智於二諦正覺無礙故名自在今

撰述

卷四十一

宣二

更一釋以所知十身皆是毗盧遮那正覺之體亦得從境名智正覺能令相作亦自在故文中二初明第一義智後此菩薩下明世諦智今初上句離妄下句住實由自身他身不分別故住於平等不分別言非唯照同一性亦乃能所照亡論云此不同二乘第一義智示現者以彼不得法空不能卽俗而真非一異故二明俗諦智中有三一總知十身二此菩薩下令十身相作顯通自在三此菩薩知衆生身下別顯知相彰智自在今初十身論攝爲三初三染分次六淨分後一不二分皆言分者同一大緣起法界分爲十故卽染分依他淨分依他同依一實故染中三者初是衆生世間次國土世間業報身者彼二生因謂業煩惱經略煩惱故論具之而云報者業能招報從果立名若是所招寧異上二然國土身合通於淨且從一類以判爲染次六總以三乘爲淨分於中前四是人菩薩及佛但因果之異次一是能證智後一是所證法故論云此三乘隨何智隨何法彼淨顯示謂因法智殊顯三乘別後虛空身是不一分者通爲二依非染淨故觀下別顯多約事空義兼於理二諸身相作皆光明相作所由由隨機故文中二一別顯相作

撰述

大藏經卷四十一

三

宣二

略有四翻云何法智虛空得爲自身入法智中自然應現自己身故令於虛空忽見自身故名爲作作餘亦爾二隨諸衆生下總結例餘上但舉四翻理應具十成一百身自然自身卽是菩薩若將自望菩薩別則有百一十身故云則如是現所以相作得無礙者廣如懸談今文略有三意一由證卽事第一義故事無理外之事事隨理而融通故此章初先明勝義二者緣起相由故三業用自在故晉經偈云菩薩於因緣和合中自在乃至能隨意爲現於佛身今經略無此偈論主但釋相作之意云彼自在中所作攝取行種

種示現者謂彼正覺自在中作攝取衆生行故隨心樂種種示現第三別顯知相中十身爲八以三身合故然其類例應各具十文或闕略且從顯說初衆生身有五相初三業生煩惱妄想染差別此約總明三界後二約上二界卽就報開別若總開三界五趣則具十矣二國土身具有十相前八一切相後二真實義相前中初三分齊相卽小中大千次二染淨差別次廣卽寬陿差別此略無陿次二依住差別真實中一重頓入名爲普入十方交絡故云方網又重重現故多同初地三四二段共有四身皆云假名差別者

撰述

廣雅經疏卷四十一

三

宣

但有自相同相差別假名分別實無我人餘亦假名偏語此四者業因尚假苦果可知聖人尚假況於凡類又三乘聖人方能知假佛德超絕不得云假五知佛身自有十相餘之九身既是佛身一一有此則已成百若更相作則重重無盡菩提身者示成正覺故二願生兜率故三所有佛應化故揀異後猴鹿馬等化故云應化卽王宮生身四自身舍利住持故上四於三身中皆化身攝五所有實報身無邊相海等揀三十二等故云實報卽三中報身六所有光明攝伏衆生故云威勢卽通報化七意生身者論云所有同異世間出世間心得自在解脫故者同謂同類異謂異類世卽地前出世地上謂若凡若聖若同若異由得自在解脫故隨意俱生卽種類俱生無作行意生身也此通變化及他受用八福德者所有不共二乘之福能作廣大利益因故故種少善根必之佛果九法身者所有如來無漏界故斯卽所證法體故離世間品十佛中名法界佛諸漏永盡非漏隨增性淨圓明故名無漏界是藏義生義含無邊德生世出世諸樂事故十智身者所有無障礙智謂大圓鏡智已出障垢證平等性故次云此智能作一切事者卽成所

攝述

大方廣佛華嚴經疏卷四十一

三

宣

作智彼事差別皆悉能知者卽妙觀察智此通四身但兩重十身一一圓融故異諸教六知智身有十一相攝爲三類初二約體分別初通聞思二卽修慧俱通理教次果行相卽因果分別行卽是因通於三慧果唯證入相離前三餘有八智皆約位分別於中初一是總世間俗智名之爲世三乘聖智名爲出世又道前名世見道已去名出世五三乘者於出世中大小分別小乘十智等中乘七十七智等大乘權實無量六十二相於大乘中麤妙分別甚深般若不共二乘相似般若是則名共八九一相通就三乘縛解分別於新熏性習未習故後三通於三乘修成分別七知法身前能知智此所知法並通一切智法不同前佛法智唯局如來文有五相一平等相卽是理法論云無量法門明等一法身故者謂法門雖殊同詮平等法身生佛無二故據理異事皆世諦門攝二不壞相卽是行法論云如聞取故謂稱理起行名如聞取行符乎理則冥之菩提名不可壞三卽教法隨所化衆生根性相應時說差別故理本無言假言顯理若權若實皆是隨俗假名四卽重顯理法所偏之境此通染淨平等法身偏情非情故五卽果法唯約於淨

東方青佛身妄至尼大日二
卷四十一
宣

東京大学総合図書館所蔵

撰述

大方廣佛華嚴經疏卷四十一

古

宣

故論云第一相差别三乘同證第一義故隨智有異
 三種不同故所顯理亦說深淺若約功德等異如常
 所辯八知虛空身文有六相一無量相芥子中空亦
 無分量故二徧至一切色非色處故三不可見故今
 世人見者但見空一顯色想心謂見故涅槃經中廣
 破見空又此含無爲空故亦不可見四無異相者無
 障礙故謂不同色法彼此相異有障礙故五無爲相
 謂無始終起盡之邊故六能通受色相持所持故故
 下經云譬如虛空寬廣非色而能顯現一切諸色既
 因色分別彼是虛空則知因空顯彼爲色大文第五

自在分中分二初牒前爲因修行三種世間自在行
 故得十自在此但約智通說若依攝論以六度爲因
 如下別明二得命下顯自在果命自在者不可說不
 可說劫命住持故心則無量阿僧祇三昧入智故財
 謂一切世界無量莊嚴嚴飾住持示現故上三以施
 爲因如次以一切時一切處一切物施故業則如現
 生後時業報住持示現故生則一切世界生示現故
 上二戒爲因戒調身語成勝業故復由戒淨隨欲生
 故願則隨心所欲佛國土時示成三菩提故此則由
 進策勤無懈廢故解則一切世界中佛滿示現故論

經名信解攝論名勝解皆一義耳用忍爲因以修忍時隨衆生意故得一切皆隨心轉謂變地爲金等如意則一切佛國中如意作變事示現故以定爲因智則如來力無畏不共法相好莊嚴三菩提示現故法則無中無邊法門明示現故上二同以般若爲因內照所知得智自在應根宣說得法自在於此十中若智若通皆無壅滯故云自在論以此十治十怖畏一死怖畏二煩惱垢怖畏三貧窮四惡業五惡道六求不得七謗法罪業八追求時縛不活九法自在治云何云何疑十智自在治大衆威德此二如論次此十亦卽初地五畏細故漸開此中二四七卽是惡名惡名本故三六屬不活九屬第十故約因此地方得約果圓滿在佛此約行布下離世間上賢首品皆有此十而約普賢位通貫始終大文第六得此已下明大勝分於中三初智大智解殊勝故二業大行業寬廣故三彼一所住功德大智業所成故今初文有五句初句牒前爲因則爲下正顯顯有四智初一爲總謂不住世間涅槃寂用難測名不思議此不思議有三一修行盡至不思議謂證涅槃無分量故二所知不思議廣照世境故三除障不思議令真如出所知障

撰述

大藏經卷之四

卷三

宣

天魔外道不能壞故第二此菩薩下業大有三初二
 句牒前爲因一入自在二成就智次得畢竟下正顯
 業大三佛子下總結多門正顯中有十二句初三明
 三業淨當相辨業後九約修辦業攝爲四相初一句
 明起論云能起能起同時謂身語意是所起智慧爲
 能起此三業起必與能起同時故經云隨行智爲導
 首故一般若下四句智攝不染作利衆生行等謂由
 一般若攝彼大悲故不染愛見能起方便利衆生行三
 善起下二句因攝謂內白大願爲自行他行之因又
 外蒙佛攝得成二因四後二句作業所持初句利益
 衆生後句淨佛國土後總結可知第三佛子菩薩住
 此下彼二所住功德大中三初標所住分齊次得善
 下顯所住德三此菩薩下結成功德二中十句依七
 種功德謂初四爲一善住道功德此是德體以二利
 行爲菩薩道故初二自利先契理離障名爲深心後
 對治堅固名爲勝心後二慈悲利他後六各一約修
 辨德初三輪化益修上利他後三願行相符外招
 佛護修上自利三結成中近結此段遠結前三得如
 是智結前智大以智證理得無憎愛故次能現下結
 作業大平等作故後於諸下結所住功德大得七功

撰述

力方廣傳書解卷四十一

三

宣二

德無過咎故大文第七釋名分亦攝如相廻向稱如不動等故釋名分二一地釋名卽約法明位二智者釋名卽約人彰德今初十句論攝爲六遠公復攝六爲二初二自分後四勝進勝進中復二初一發修離過次二因修成德一成教道德二成證道德後一依德成位亦有斯理言爲六者一初二一句名染對治一治下地功用行小乘願諸魔業故名不動地二治煩惱習行故名不轉上二卽相用煩惱不能動也二次一句得甚深故可知三有二句發行清淨上句發淨謂得真無漏三業無失不破觀心能發趣行然其八地應對八住合名童真而論經名王子似不順文下句行淨正行之時離障自在故四次二句名世間出世間有作淨勝上句悲故隨世有作自無所作下句出世有作以智善分別故智障淨故皆決定義五有一句彼二無作淨勝謂於世出世名爲彼二願力變化而不滯寂故云無作卽無住涅槃六有二句菩薩地勝卽分位過前上句勝六地以六地觀空爲他有動今念念發起殊勝行故下句勝七地上依論釋今更指文別爲一解謂此諸名對前經立初二從淨忍分受名得無生忍入不動故此句爲總此智現前故

撰述

大方廣佛華嚴經卷四十一

十一

宣

無退壞次二約得勝行分受名一得爲深行菩薩不可知故二離一切相等諸過失故次三約淨土分受名生地謂器世間自在隨樂生故成地衆生世間自在隨物成身自無作故究竟地智正覺世間決二諦故次一約自在分隨願成就方名自在次一約大勝分得深心等十種力持故後無功用通該始終依此釋者似若論家闕指明據第二佛子菩薩成就下智者釋名中三初牒前爲因由得智地故二入佛下正就人顯三於無量下總結所住就人顯中以何義故菩薩名爲得不動地有二義故一一向不動謂行修上順故二一體不動謂與諸菩薩行體同故文中先總明後常爲下別顯今初文有四句皆含二義論總釋云佛性隨順因故佛性卽初句以梵云駛都譯通界性致譯論經云得入佛性卽是法身果性故論云佛性者界滿足勝故究竟見性故云滿足此卽分齊境界菩薩由得地智能上入之隨順因者卽下三句由三爲因故能隨順佛境一攝功德佛功德照者善清淨義故謂以無垢慧善照佛德卽是攝義二者行謂正行威儀順同佛故三者近卽佛境現前近如可覩故後別明中先明一向不動論經十句今經闕一

攝述

大方廣佛華嚴經疏卷四十一

十一

十一

初一總顯佛加解參玄極上德被已故旣常爲佛加
故名一向不動餘句別依五種功德以顯不動一供
養功德卽梵釋四王論經王下有奉迎之言二守護
功德謂金剛等現形衛故三依止功德恒不捨三昧
故四國土清淨功德卽能現諸身差別若器若衆生
皆能隨現故云無量五於一一下教化衆生功德此
復五種前三自分後二勝進一願取諸有多爲主導
故云有大勢力二根心使智力卽報得神通第三際
中衆生根欲等故二無量法力三昧自在轉法輪故
四受力彼經云能受無量記故今經闕此五說力卽

隨有可化示成正覺真能說故論經此後更有一句
結云是菩薩如是遙達論云一向不動故二佛子下
明一體不動文有十句初總餘別總云入大乘會者
謂入同類大乘衆數故入數者不破壞義和合如一
故別有九種具此九種堪入衆數一智不壞獲法智
通故二說不壞謂放敎智光故三解脫不壞謂不住
行證入空有等無礙法界業用無礙故四佛國清淨
不壞知世界自在故五入大乘不壞智能示現大功
德故六神通不壞隨意自在故七善能下能解釋義
不壞稱三際說故八普伏下坐道場不壞萬行及苦

撰述

大方廣佛說經卷第十一

三

十一

提樹下伏魔邪故九正覺不壞入如來境同佛覺故
 第三總結所住中行無障礙不斷不轉念不退故第
 二位果調柔中先調柔行法說中受世界差別等無
 量法明者等取衆生智正覺故論名彼因相故者以
 所受法爲自在因故喻中真金作闇浮主冠者喻得
 清淨地身心勝故以此地中報行純熟三世間自在
 故特加於王無與等者喻善根光明轉更明淨三佛
 子譬如下敎智淨梵王普放光明者勝前日光一多
 故二淨故三廣故第三重頌分中二十二頌分三初
 十八偈半頌位行次二偈半頌位果後一結說分齊

今初頌上七分卽爲七段初一偈半頌集作地分二
 一偈半頌淨忍分三有七偈頌得勝行分於中二初
 二頌深行勝後五頌發起勝於中云但以甚深無礙
 智者長行所無故知唯念法性則同二乘事理事事
 皆無障礙是菩薩學故晉經全有一偈云但以得無
 碍甚深微妙智通達三世故乃得名爲佛又此一句
 亦可總頌餘勸四有六偈頌淨佛國土分於中三初
 二器世間次三衆生世間後一智正覺世間五有半
 偈頌十自在故晉經云能得於十種妙大自在智六
 一偈頌大勝分七一偈頌釋名分審迹者古譯爲力

撰述

大方廣佛華嚴經疏卷第四十二

士餘文可知也

大方廣佛華嚴經疏卷第四十二

丹陽居士賀懋熙懋照懋瑩懋畫懋輝仰承

大廣佛華嚴經疏卷第四十二 計字八千

一百八十五箇

龍山釋海瓊

該銀馬兩一錢四分二厘

崇禎五年仲夏月徑

城寺識

大方廣佛華嚴經疏卷第四十三

唐清涼山大華嚴寺沙門 澄觀撰

第九善慧地所以來者瑜伽意云前雖於無相住中捨離功用亦能於相自在而未能於異名衆相訓詞差別一切品類宣說法中得大自在爲令此分得圓滿故次有此來言善慧者攝大乘云由得最勝無礙智故無性釋云謂得最勝四無礙解無礙解智於諸智中最爲殊勝智卽是慧故名善慧卽下文中十種四無礙是也莊嚴論云於九地中四無礙慧最爲殊勝云何勝耶於一剎那三千世界所有人天異類異

撰述

方廣書卷第十一

音異義問此菩薩能以一音普答衆問徧斷衆疑故此同下文金光明云說法自在無患累故增長智慧自在無礙者此兼顯離障名勝深密意亦同此瑜伽住品十住論成唯識等文辭小異義旨無殊仁王名爲慧光者言兼法喻智論名善相從所了得名能所雖殊皆明說法之慧故所離障離利他中不欲行障有四辯故四無礙障分成一愚前三爲一名於無量所說法無量名句字後後慧辯陀羅尼自在愚謂所說法是義名句字是法後後慧辯是詞陀羅尼自在愚通於上三二辯才自在愚卽愚第四無礙故所證真如名智自在所依謂若證得此真如已於無礙解得自在故便成善達法器自在說法行梁論云由通上真如得應身果金光明中得智藏三昧皆一義耳次正釋文三分之內初讚請中有十三頌分三初二如來現相顯說無功用行無動之動難思議故特此現通次十頌別讚後一頌結請別讚中亦三初一菩薩供次一天王供後八天女供讚於中二初一供餘七讚讚中二初一標讚後六顯詞於中亦二初一讚菩薩通於八地及說法主後四雙讚佛及菩薩三輪化益此又云菩薩幻智後結云讚佛已故文中通讚

撰述

大方廣佛說經卷四十一

八九地如月普現前地有故此法師位隨機說權實故文中三初一身無心而普應次二口隨機而演說後一喻結心常契中既特云最勝智心示如來法權實明矣故瓔珞經中說十種善前九依三乘人各成三乘第十名佛乘種性謂初聞佛法卽發佛心唯觀如如修佛智慧終不爲悲願纏心一向不起二乘作意第九爲悲願纏心故此云慈悲樂饒益明文若斯云何不信第二正說分先明地行文有四分一法師方便成就謂此地能起辯才說法名法師地趣地行立名方便故二智成就具能知法之智慧故三入行

成就達所化器之心行故四說成就稱根正授故四中初一入心餘皆住心亦攝三位至下當知然第八地中但淨佛土教化衆生此地辯才力故教化衆生成就一切相能教化故一切相者具上四分故初分中三初牒前起後前得二諦等智故次欲更下正顯方便三得入下結行入地正顯中文有十句不離二利論云一一五三句示現者初句利他次句自利故云一次五利他後三自利故云五三示現之言通上四段初句依無色得解脫想可化衆生利益他故化其令得大般涅槃故云轉勝論主謂菩薩不求自

撰述

方廣經卷第十一

三

宣三

滅故作此釋然經既云更求寂滅何妨自求以七八九地同得無生入地得忍寂滅現前依勸起修此求上品名爲轉勝卽用而寂真解脫故若依此義前二自利亦可十句俱通二利於理無失且依論解二依未得究竟自利益故復修習如來智慧三依根熟菩薩化入如來秘密三密化益故四依邪念修行可化衆生令觀察不思議智得正念故謂觀無念見智性故五依未知法衆生轉法輪令得知故寂淨陀羅尼三昧門皆說法所依故六依邪歸依衆生具廣大神通令人正法故七依信生天衆生令人差別世界佛淨土故上五中一無證二無行三無解後二無信下三自利中入依正覺內證智德故修力等九依轉法輪外化恩德十依無住涅槃斷德第二佛子菩薩住此下智成就此下二三段攝王子住知法知根皆法王軌度等故且依智成文中初總知三性謂淨染不二不二卽無記後有漏下展轉別開一於淨法開漏無漏謂施戒等取相心修與漏相應名爲有漏無漏反此二於無漏開出見道已前名世見道已去名出世三卽就上二世出世異名爲思議卽世出世名不思議亦可於出世中約教證二道四彼有漏思議中

換述

方廣經卷第十一

四

宣三

定能證入名之爲定爲緣所動名爲不定亦可佛性
定有餘一切法皆悉不定三聚定等下文自說五總
上諸善開出三乘謂諦緣度等皆通上四故唯佛果
一是唯無漏等而屬菩薩乘果六於三乘法中示有
爲無爲依順行故此是善體故後明之謂滅諦緣性
彼岸真理皆名無爲道諦緣智能證修起皆名有爲
如來一切皆是無爲佛智有爲非極說故涅槃令覆
有爲相故三乘聖人依此起行依此差別故名順行
第三此菩薩以如是下明入行成就於中三初總標
章門二此菩薩如實知下依章廣釋三佛子菩薩隨
順下總結安住今初有十一林一衆生心者是總故
論云依共以通是下十染淨共依故菩薩依此而知
故名爲依下依義準之餘十是別不出三雜染故論
云依煩惱業生生是苦果今當第九論釋餘七云依
共染煩惱染淨等依定不定時謂次根等四同是業
故名共隨眠卽煩惱種名染眠伏藏識令心染汙故
受生卽生如前已說餘二通三故不出三也二云何
通謂習氣無別體是染淨等氣分故三聚但是約時
定不定故論又別釋根信性欲相似之義云彼復定
不定時根等次第根等相似信等者由下經文以根

撰述

卷之三

五

宣三

例三故此重釋相似之義亦須約時故云彼復定不定時約何論時亦約根等四事次第也云何次第謂根等相似似何等耶謂信等故如宿習名根印持名解依根起解故云次第解必似根故云相似習解成性性必似解依性起欲欲復似性若相似未熟時卽名不定熟名正定全無邪定故時依根等論經名解爲信是信解故十皆名稠林者多故名林難知曰稠論經十林皆有行字謂不正信義故名心行等稠林心行若絕證信圓明非稠林行然此十名多如發心品辯而習氣一通於二義一者殘習二者種子熏習如下當辨第二依章廣釋文分九段以解性欲合二例故今初心中三謂總別結別中略舉十門攝之爲八二三後二合故一差別相心意及識六種別故此八緣境許得齊起故名雜起又雜起者必與所俱極少猶有徧行五故二速轉下二句明行相四相遷流故速卽是住住體輕危速就異故轉者是異壞卽是滅不壞是生故論經但一句云輕轉生不生相論云住異生滅行故三無形質者第一義相觀彼心離心故云何離謂心身不可得故身者體依聚義卽同起信心體離念等四無邊際卽自相順行無量境界取

60123456789

10

10

9

故取境不同故名爲自上之四相初一是所相二是能相此二並心之相三是心之空性性相不同合爲心體四卽心用此四並通染淨後四明淨心隨緣由第五隨煩惱緣成六七隨業生緣成第八謂第五清淨者自性不染相卽自覺聖智真妄所依不空性也染而不染名自性淨次下二句卽不染而染謂六垢無垢者卽同煩惱不同煩惱相隨緣有垢性恒離故七縛不縛者同使不同使相義不異前但種現有別耳八有二句同名因相隨因受生故苦薩以幻智願力生故餘衆生隨業諸趣生故第二釋煩惱稠林亦

三別中九句攝爲二種事後七合故一遠入相乃至有頂故此約四住現行下至金剛自約種說久者無始常隨故二無邊引起者難知相言無邊者修習無量善根故引起者引起惑故惑與善俱所以難知卽勝鬘中恒河沙等上煩惱也上明豎深此辨橫廣三俱生下七句合爲染相卽三雜染謂此煩惱亦與業生二俱起故卽分爲三初三句當體明煩惱染一俱生不離者明隨所縛此句總明能所所縛卽妄心謂惑與妄心遞共同事故云俱生生卽是事然離惑不名妄心離心惑依何住故迭共相依名爲不捨一眠

起一義者是以何縛謂使爲能縛使卽隨眠起卽現行現行由使不得解脫以現及種同一惑義故然下辨使不必與現行俱此中現行必由於使如有種子未必有芽若有已有芽必依種子故云一義二與心相應不相應者是所縛事事卽真心若被妄染名與相應是縛非解心性淨故名不相應示可解脫二隨趣下有二句約生明煩惱染論云身事生道界因故者苦報集起名身事生上句是道因下句是界因三愛見下二句約業明煩惱染初句明於三分中業因障解脫故言三分者愛是欲求中追求現報受欲行者見是邪梵行求癡是欲求中追求現報習惡行者故論云無戒衆生爲現少樂習衆惡行愚癡之甚慢通上三而多屬見有求屬生染所攝故此略無上三俱障解脫過患難拔如箭入木故外道得非想定尚與見慢相應上卽論意亦可見愛等通七識中煩惱故云深入下句明此惑隨順世間身口意業不斷起因故結中八萬四千煩惱隨好品自明賢劫經中亦有其相第三釋業亦三別中十句爲九種差別後二合故初一道因差別謂通說三性爲六趣因引業唯善惡各有三品二地已說滿業通三性名言熏習亦通

撰述

大藏經卷四十三

八

宣三

三性許爲因種故又俱舍十七以三性因對五種果無記亦能招果故論主通以三爲道因或既不招異熟則論主言總意別二有表示等者自性差別然論經此句云作未作相此則並以思爲自性故論云此有二種一籌量時此在意地唯有審慮一種思故釋未作義二作業時釋經作字有決定思若在身語唯發動思成唯識云動身之思名爲身業發語之思名爲語業然今既云有表示等卽表無表業各通三業表則三皆是思無表則非心非色或說色收義如別說三與心同生不離者方便差別心共生熏心不別生果故謂此業思與等起意識共生隨其善惡生已卽熏本識成名言等種種似能熏故云不別生果卽不離義四因自性等者盡集果差別謂無始業因以是有爲故自性刹那壞故云盡此顯非常而得持至果功不敗亡故云集果不失此顯非斷前念雖滅後念續存故云次第亦是因卽頓熏果則次第如識等五也五有報無報者論云已受果未受果差別過去生報業現在已受名爲有報後報未受名爲無報非謂全無更有一理謂已悔之業則許無報有報可知六黑黑等衆報者對差別謂四業相對成差別故初

撰述

大藏傳寫經卷四十一

九

宣三

二黑白相對後二漏無漏相對言黑黑者卽四中初
 一因果俱惡故又因果俱與無明相應故卽三塗業
 等者等於餘三謂一名白白業因果俱善故俱與智
 明相應故卽色界善業三黑白業卽欲界善業因
 善惡雜故受報亦愛非愛雜四非黑非白業謂諸無
 漏業無異熟故對上黑白二業立雙非名言衆報相
 者上三有報故論云業集成就故若俱舍意其黑白
 業約相續說以無一業及一異熟是黑亦白五相違
 故言相續者謂或意樂黑方便白如爲誑他行敬事
 等或意樂白方便黑如愍弟子現麤語等若以義推

撰述

大藏書

十一

宣三

無運出義故定者難度不定易度故結中亦言八萬四千者惑因既爾所起之業亦然根等諸門皆成八萬翻此卽顯波羅密門三昧門等第四釋根中二先別後結別中十相爲九差別五六合故一說器差別謂說法所授之器信等五根有下中上故亦是鈍中利謂於教理受有遲速及多少故二根轉差別過未爲先後際現在已定兩望論差謂前上中下根於三際中互望轉變若後轉爲中上前根則下後轉爲下前根則增是差別義不轉則平是無差別故論云前後根前根下增平故三三性差別謂約菩薩等三乘根性相形爲上中下故不同第一通於三乘四煩惱染差別謂喜樂等五受根隨貪等煩惱得增上故五六二相明定不定差別初句乘非乘皆約熟不熟明大乘中熟者定不熟者不定小乘中熟者不定可轉向大乘故不熟者定各隨自乘而解脫故若世間非乘熟者不定可化入道故不熟者報已定故且暫捨之卽離世間中待時方化清淨捨也後句淳熟調柔一向是定六隨根網輕轉壞者順行差別此知眼等根順行境界得增上故於中有三種順行一依身順行謂六入展轉迭共相縛如網魚鳥不得解脫故云

(撰述)

大智度論卷四十三

三

宣三

根網此行內境二生滅順行謂體是有爲生住不久故云輕易可異滅故云轉壞三觀行取相順行此行外境卽論經云取相今文闕此或根網中收七聲聞淨差別望凡夫二乘行增上故以二乘根由滅障能成故煩惱無能壞入菩薩淨差別此通三種退不退也九遠隨等者示一切根攝差別謂三無漏根總攝諸根三者一始行卽未知當知根二方便卽已知根正在修道故名方便三報熟者卽具知根謂前信等共三無漏根生而隨優劣三位不同自始至末故名遠隨此之三根於修無學涅槃得增上故此上九中

初二約信等三五七八並約三乘通於諸根四約五受六約眼等九約三無漏根二十二根已明十九男女命根不足可辨餘如俱含根品麤說卽然細分無量故結云乃至八萬四千第五例三稠林謂解性欲此三與根性相順入舉一可反三隅故皆略例第六釋隨眠先總後別總中晉及論經皆名爲使論云隨順逐縛義故如世公使隨逐衆生得便繫縛卽是隨眠眠伏藏識隨逐纏繞故此唯約種不同小宗別有十二句論攝爲二前六明何處隨逐後六明以何隨逐今初爲五一合初二句約心明處初句於報心隨

二 指述

大智度論卷第十三

三

逐正顯眠伏藏識卽久安眠處而言深者無始來有
 微細難知故下句於非報心隨逐卽轉識分別事識
 不離現事而生故但云心卽暫廻轉處二相應不相
 應者約三界明處唯與當界心相應不與異界心相
 應故論云欲色無色或上中下差別無色惑微所
 以名下等雖則隨眠性皆成就隨其現惑亦有不相
 應義三久遠隨行相者約地明處論云隨順乃至有
 項故然有頂之言通有一義一至金剛之頂二至三
 有之頂今取通大小義直云有頂論經但云遠入今
 云久遠亦無始來上至九地頂故四無始不拔相此
 約時明處處旣無邊時亦無始唯智能怖隨眠怨賊
 旣未會有聞思修智故不能拔出五與一切禪定等
 者此約行明處由隨眠隨逐令世間禪定等不能滅
 愛見等心不能隨順正修行故名爲相違故下偈云
 禪定境排仍退轉也後三界下明以何隨逐卽顯體
 逐之相由此相故名爲隨眠此有六種一於上三有
 不斷隨逐所以三有不斷相似相續者由有此使作
 繫縛故如世眠者不能起牀二遠時隨逐卽於上無
 始時令心相續現起無邊如世眠者夢心相續三開
 諸處門者一身生隨逐謂於前一身之上報非報心

撰述

大藏經卷第十一

十一

明隨逐也如世眠者夢中見聞於中二義一令眼等諸根門集生六種識時使與同生故云開門此明外逐方便心二論云及阿賴耶熏故此明內熏報心論經門字下更有集字卽阿賴耶集起之心然是諸處通依故今經義舍耳四堅實難治卽不實隨逐謂修禪等時不得真實對治故不實堅實如世重眠不得重觸大聲無由起故五地處等者微細隨逐此於上有頂處九地中六入處煩惱身隨逐故然九地有二義一約三界九地雖並成就細故不知成處多少名不成就如世眠者夢中謂覺二以善慧爲九地十地猶有故名微細不成就者此地中分有斷除故故下偈云金剛道滅方畢竟故六離苦隨逐謂唯無分別智出世間聖道方能拔出如眠得觸第七釋受生稠林中十句先總後別論通爲八一身種種謂形類多故二業因種種三住處種種四四五二句色想上下種種五同外色因種種謂田等取外同喻故六自體種種名色與識俱生相依不離是報自體故七本順生因種種謂癡愛爲本順生求有令有續故八末後二句集苦諦種種謂三求不同皆是集因但集苦果故云種種上句顯欲有一求欲受卽欲求貪愛共取

撰述

卷之三

古

宣三

追求不已故欲生卽有求愛生三有自得勝身復攝眷屬故言無始樂著者顯上二求之過下句卽邪梵行求由心取著故不知三界輪迴貪求三界小大無量之相妄謂涅槃謂或拍腹爲道或計無想非想爲涅槃故第八釋習氣中亦先總後別總云習氣旣通二義不可局於羅漢餘習雖標習氣別中皆言熏習熏謂熏灼如外香氣習謂習學唯約有情習必能熏以成氣分故云習氣卽賴耶識以爲所熏以恒住一類是無記性可受熏故前七轉識以爲能熏由有生滅力增盛有增減故能所共相和合故名熏習此如攝論及唯識第二若依起信真如亦能內熏佛善友等以爲外熏内外和合以成氣分前中雖聞教等亦因識能領受故判識爲能熏今並通此文旣有因熏與果等定知熏習種成爲氣分義別中十種差別一與果現在非現在差別謂過去善惡業因與今現果同起名行不同起名不行如人行施今得人身亦常好施等此卽因習二隨趣熏者道熏差別如從天來今猶鮮淨廣明道習如大威燈光仙人所問經此卽果習上二皆是對過說今三隨衆生行者親近衆生熏差別此是緣習故宜遠惡近善慎所習也所以

撰述

大藏經卷第四十一

三

宣三

昔王不立廄於寺而立之於屠四隨業等者功業煩惱熏差別功業者釋經業字謂是起作事業揀非業因如鍛金之子宜教數息等煩惱習者如人喜眠眠則滋多等五善不善等者善業等熏差別此業即是業因以是善等三性望來果稱業故如久行施者施心轉濃等上三唯約現世以明習氣六隨入後有者中陰熏差別中有卽是本有後故如梵行人至中內亦無染欲七次第者與果次第熏差別謂修善惡業於後有位諸趣之中受果次第習亦與果次第無差上二約現望後以說熏習八不斷等者離世間禪

因熏差別謂諸無漏定名離世間禪修學無漏卽是彼因由未斷煩惱雖修無漏亦爲煩惱牽煩惱隨至無漏名爲遠行行亦入義九實非實者同法異外道行解脫熏差別同法釋實卽三乘同佛法故異外道釋非實在佛法外故名爲異行者上二之因解脫者上二之果各有熏習好習本法故曾修小乘今雖學大先發小習餘可準知此卽邪正雙明約修證說亦含三乘餘習之相十乘熏差別唯就於正約其見聞故法華安樂行令不親近二乘恐習成種故上來十種前七約時三世三有互望明習通於善惡八明惡

撰述

妙法蓮華經卷第十一

十一

宣三

隨於善後二約人種種習氣皆能了之令成如來無
 習氣之習氣智故第九釋三聚稠林亦先總後別論
 通爲五總卽第一有涅槃法無涅槃法三乘中一向
 定差別無卽邪定有卽正定各於自乘定故離此不
 定論略不釋就此就種性約位以明外凡無涅槃三乘
 聖人定有內凡不定又約一期久遠非究竟無二善
 行惡行因差別此約解惑以分三聚謂正見是善行
 因邪見惡行因二見定起二行名之爲定言一俱不
 定者無正慧決擇又不撥無因果率之則可清升任
 之則便鄙替故曰不定下不定倣此可知故論皆不

釋二惡道善道因差別此約行業以辨四外道聲聞
 因差別此約位以分翻彼八正名曰八邪外道邪位
 定正性離生聖人位定已入見道故前三善根則名
 不定五菩薩差別此約修大乘者得失以分著邪是
 失所謂六蔽聖道爲得卽六度等第三總結安住文
 屬入行論意總結前三故云前三種事成就方能安
 住此地大文第四住此地已下明說成就亦攝善法
 行辯才饒益多同彼故文中二先牒前總顯謂了心
 行方善說故後佛子下廣顯說成有三成就一智成
 就謂知法知器知化儀故二口業成就能起說故三

授述

大藏經卷四十一

九

宣三

法師自在成就得陀羅尼等成彼德故各有佛子以爲揀別今初分二先明隨所知之法二一切下隨所依之器此二何異前文智成入成前三各別而知今此總收以法逗器今初所知法卽三乘一乘解脫差別各含敎證敎道以將化生令器熟故證道以將度生令得解脫體正度故二隨所依中文有三節初總明次能隨下別顯後令生下結益論主通收爲七種器一說所說法對器自釋云隨應度者授對治法故卽總中二句下句是說所說法上句卽所對之器別中初能隨及後而爲說法卽上說所說法中間根等

諸林卽是所對之器於中準論經衆生下有心字卽是心稠林通爲五種器初衆生心根性欲解明所說法器成謂十一林之中此五正顯已成信等法器可隨根欲等說故別顯之二所行有異含其二義一約能行之行名種種異行器卽上根等能行二所行之境卽上根等所行名譬喻器總喻上五故如世稼穡具五因緣彼所種物成就堪用一有心物二有根益其生力三有可生性四舍潤欲發五決定可生喻上心等故云譬喻四諸聚差別者卽定不定根轉器亦通上根等五亦隨下隨辭辯器以彼生煩惱業熏難通

捨要作同行巧辯方能化故三結成益卽隨乘因能
乘出器以上諸義不出自乘解脫故第二佛子菩薩
住此下口業成就曲分爲二先總明具說之德二以
無量下正明口業成就今初亦是智成就以具法師
行卽是智故而言說者護如來法藏通於說故斯則
內持於智外口說故何名具法師行深妙義中具二
十種功德故一知時二正意三頓四相續五漸六次
七句義漸次八示九喜十勸十一具德十二不毀十
三不亂十四如法十五隨衆十六慈心十七安隱心
十八憐愍心十九不著名利二十不自讚毀他廣釋
如論涅槃具七善知名大法師與此略同慈氏論說
具十德者名大法師攝義具足一善知法義二能廣
宣說三處衆無畏四無斷辯才五巧方便說六法隨
法行七威儀具足八勇猛精進九身心無倦十成就
忍力會之亦同第一正明口業中先略明後此菩薩
以法下廣顯今初先顯名體謂外由菩薩美妙言辭
而演法義名四無礙辯內由智起名四無礙智次辯
體者此智卽無漏後得爲體故云善巧卽上知法知
機智也義無礙解或通正體次此菩薩下約位顯勝
以初地分得此地任運故無暫捨後何等下徵列名

字智緣法等無拘礙故法等皆智境界從境分四一
 法者法體謂法自體有軌持故卽二空所攝卽真之
 俗境故論云遠離二邊生法所攝如色礙相等二義
 者法境界體謂於法體上差別境義卽上二空所攝
 真諦之境故論云卽彼遠離二邊生法所攝中如實
 智境界故然得此真智者由菩薩於生法二執所攝
 境中以智安住求彼色等但是虛妄卽俗而真是彼
 色等之中別義上卽遠公之意其猶不生不滅是無
 常義亦可不約二諦法約自體義約差別謂十一色
 等虛妄分別之相卽是別義言如實智者稱事實也
 三詞者正得與衆生謂得彼方言與他說故故論云
 於彼如實智境中隨他所喜言說正知此釋正得隨
 他言說正知而與故此釋與衆生四樂說者正求與
 無量門謂樂說乃辭中別義七辯剖析名無量門論
 云於彼隨他所喜言語正知無量種種義語隨知而
 與故二廣顯中理實此四通該一切且約圓數以列
 十門各有復次論云後五是淨者謂三乘行果則顯
 前五是三乘教理通於染淨言十者一依自相謂知
 事法體各殊故二依同相謂知理法若性若相各有
 同理故三行相此約時辯法三世遷流故上三知義

即是所詮四說相此知敎法上四皆約所知五智相
 此約能知六無我慢相此約所離明淨七小乘大乘
 相此約所行上二通辨諸乘行果後三別約一乘八
 菩薩地相此約因行後二知果九如來地相約體十
 作住持相約用然上十中法義則別後二多同皆詞
 則說於法義樂說乃詞中別義亦有以詞說於法樂
 說說義十中皆四無礙卽四種相今初自相有四種
 者一生法自相謂知色是變礙相等二義者差別自
 相謂知色有十一處等上二約總別以分法義後二
 同體義分三想堅固自相想者起言所依亦以慧心
 取彼二種相故一隨自所覺諸法相二隨彼彼所化
 言詞所宜相以所覺法隨彼言詞爲彼生說說無錯
 謬名爲堅固論經云不壞者壞卽錯也四彼想差別
 自相想義同上但以次第不息以多異名堅固彼義
 令他愛樂名不斷盡此自相一門是總故論前總中
 亦依此釋諸經論中亦多依此第二同相約性與相
 分於法義一一切法同相謂諸法同以無性爲自性
 故二有爲法同相同生滅故謂觀無常門生滅相得
 入初句法無我性故無我智境得成是則生滅是常
 義也三一切法假名同相故云安立所立之法已是

撰述

大廣德華嚴經卷四十一

五

宣三

假名更以言詮假名而談名不斷說四假名假名同
 相謂不壞前假名更能以異異無邊假名說故重言
 假名第三行相中約三世以分法義一生行相現法
 緣生故設知過未亦名現在以三世皆是當世現在
 故故論云過去未來彼彼世間攝受故二已生未生
 行相設知現在亦名過未以現是過家未未家過故
 是則當世而知名法逆見過未能知現在是則名義
 爲菩薩智境三物假名行相總說三世之物不謬故
 四說事行相然所說事不出三世總相物中故云一
 一世但曲明異異事法故云無邊法明第四說相中
 約本釋以分法義一修多羅相故但云法二解釋相
 所以名義三隨順相隨類言音故四相似說相謂隨
 心樂聞何法宜何譬喻說似彼心故第五智相約法
 類以分法義一現見智二比智比卽類也然所知境
 卽是二諦法比等智是無礙體從體立稱不同前後
 又法比等智通於大小四無礙智唯局大乘故涅槃
 說唯菩薩有聲聞設有少故名無若就二智所觀並
 通大小約能觀智唯局大乘於大乘中依觀所取能
 取以立法類一法智觀如故二現見謂觀差別二諦
 同如不異故二比智卽觀前能觀如實分別之智類

撰述

大藏經卷四十一

三

宣三

餘亦爾類何等耶比知如前差別卽如實故三欲得方便智謂此是相見道依真假說後得智攝故云世智若欲得第一義假說以爲方便四得智謂雖以世智說而與第一義相應非顛倒異方名樂說故云善巧可以證得第一義故餘如唯識雜集各第九瑜伽十六說上廻向品疏已略明第六無我慢相中約真俗以分法義一第一義諦無我故云一相言不壞者不壞無我故若言我知無我我證無我則壞無我以有能所故二世諦無我故云蘊等迷蘊著積聚我迷界著異因我計種族別故迷處著欲我計爲生門能受入故迷諦緣起著作我皆明因果有造作故並是法我亦通人我今隨順觀察世諦緣生無實以爲對治得入第一義法無我名善巧方便故蘊界等是菩薩智境所治之我三說美妙無我慳情稱美順理爲妙四說無上無我故云轉勝詞中差別故曰無邊法名第七大小乘相中約權實以分法義一觀相謂一觀不異唯一事實故二性相就彼根性有三乘故三解脫相會彼三乘同歸一實解脫相中無差別故論云依同解脫不懼者法華云今我喜無畏但說無上道故四念相卽開方便門隨機念異心行不同以多

法明說諸乘法然皆爲一事故論云隨順解脫第八
 菩薩地相中約地體相以分法義一智相一切菩薩
 行者總標也何者是耶謂所證法行能證智行何以
 此二名菩薩行以智契如故故經云智隨證論云觀
 智說故此菩薩行卽十地智體二說相謂體雖一智
 相有十地分位故然此分位由心差別故論云十地
 差別者謂心而名說相者約口言也以論經云義無
 量者說十地差別故作是釋斯則異前義大三與方
 便相謂巧說十地授與衆生不顛倒教授與地證道
 無有差別故四入無量門相入諸地相差別故第九
 如來地相約真應以分法義謂一法身相卽始本無
 二之法身故云一念成正覺二色身相種種時者隨
 何劫中種種處者隨何國土依報事各差別者隨何
 等佛身正報事三正覺相通說正覺十佛差別故四
 說相佛德無盡故說亦無盡第十作住持相約諸佛
 能說德所說聲教以分法義一覺相卽作住持德覺
 法性相故語者隨自意語隨他意語隨自他意語此
 能說法故十力破魔惱慢無畏伏外道不共異二乘
 慈悲故常說辯才故能說方便者隨順物機轉法輪
 者正說此上皆一切智智隨證二差別相知佛隨心

撰述

大藏經卷四十一

三

宣三

種性等差別聲教故三說相用前音聲差別說故四
彼無量相異異說故隨信解者示現菩薩無盡樂說
故以如來智等者諸佛法身以利生爲行此行合智
故無垢清淨不可破壞故云圓滿此地分得故用之
而說第三佛子菩薩住第九地下法師自在成就中
二先牒前標後二得義下正顯成就有四種事一持
成就得不失故二說成就巧能演故三問答成就斷
疑網故四受持成就更受勝法故則前三自分後一
勝進又前一釋得妙法藏後三釋作大法師於此四
種皆無縛著卽攝第九廻向也今初分二初列十持
持先已得後此菩薩得如是下用前十持持當所得
今初先列十持並從所起業用立名初三起意業次
三起身業後四起口業一持義二持教法三持能知
智四善軟者慈光攝受五剛强者善慧降伏種種施
爲故六上供諸佛下攝貧窮故名衆財七於大乘中
陁劣衆生示教大乘威德勝利令生喜故入不斷辯
才智常說故九無盡樂說深說故十種種義樂說廣
說故後如是下總結以百萬下顯持之用一持當得
中聞已不忘正顯持義爲他演說亦持之用第一此
菩薩初見下明說成就於中三初顯所受法多二此

6012345678901234567890123456789012345678901234567890

撰述

李鼎書經卷四十三

三

宣三

菩薩得如是下能廣開演三此菩薩處於法座下明
起說自在第三佛子此菩薩假下問答成就初一
界答難二明一切世界第四佛子此菩薩復更下受
持成就可知第二佛子菩薩住此下明位果三果同
前但初調柔見佛緣中初依內證近佛法身後依三
昧見佛色身餘文可知第三重頌分中二十四頌分
三初十九頌地行次四頌位果後一結歎今初具頌
上四分初二頌法師方便次二頌智成就次七頌入
行成就四有八偈頌說成就於中初半偈頌智成就
次二偈頌口業成就其中諸喻長行所無後五偈半

頌法師自在成就於中初一偈半頌持次一偈頌說
次一頌問答後二頌受持兼頌問答

大方廣佛華嚴經疏卷第四十三

丹陽居士賀懋熙懋照懋瑩懋壽懋輝仰承
先嚴賀學禮遺願施貲刻此
大方廣佛華嚴經疏卷第四十三 計字一萬
零一百十三箇 該銀五兩零五分七厘
崇禎五年仲夏月徑山化城寺識

法華述

大方廣佛華嚴經疏卷第四十四

三

大方廣佛華嚴經疏卷第四十四

已下入三
十九經

唐清涼山大華嚴寺沙門 澄觀撰

第十法雲地所以來者瑜伽意云雖於一切品類宣說法中得大自在而未能得圓滿法身現前證受今精勤修習已得圓滿故有此來論云於九地中已作淨佛國土及化衆生第十地中修行令智覺滿此是勝故以八九二地同無功用故對之顯勝有此地來又一乘中最居極故次釋名下自有釋名分今且略解雲者是喻略有三義一舍水義二覆空義三霆兩義約法就喻則有多義雲有四義一喻智慧二喻法

撰述

大智度論卷四十四

一

宣四

身三喻應身四喻多聞熏因空亦四義一喻真如二
喻麤重三喻法身四喻梨耶攝大乘論云由得總緣
一切法智含藏一切陀羅尼門三摩地門此喻含水
義總緣一切法契經等智不離真如如雲合空總持
三昧即是水也又云譬如大雲能覆如空廣大障故
此喻覆空義卽以前智能覆惑智二障又云又於法
身能圓滿故此有二義一喻霆雨義卽上之智出生
功德充滿所依法身故二喻徧滿卽前之智自滿法
身耳故金光明云法身如虛空智慧如大雲成唯識
中亦有三義全同攝論而瑜伽云麤重之身廣如虛
空法身圓滿譬如大雲皆能徧覆此同攝論第二義
而無性釋以智覆空此以法身者智滿則法身圓滿
起信論云顯現法身智純淨故本分云得大法身具
足自在亦以法身喻雲真諦三藏釋金光明經云虛
空喻三法身雲喻三道之智此法喻亦齊似非經意
此喻位極非道前故莊嚴論第十三云於第十地中
由三昧門及陀羅尼門攝一切聞熏習因徧滿阿梨
耶識中譬如浮雲徧滿虛空能以此聞熏習雲於一
刹那於一一相於一一好於一一毛孔雨無量無
邊法雨充足一切所化衆生由能如雲雨法雨故故

名法雲此從法身未及佛故立頰耶名十住論云於無佛世界能雨法雨故瑜伽又意云言大雲者未現等覺若現等覺能雨大雨作利益故是則密雲不雨含德而已然諸釋雖衆不出三義謂以智慧含德偏斷諸障徧證法身故所覆麤重卽所離障謂於諸法中未得自在障此障十地大法智雲及所含藏所起事業故斯卽二愚障所起業名大神通愚障大智雲卽悟入微細秘密愚斷此障故便能證得業自在等所依真如謂神通作業總持定門皆自在故便成受位等行具智波羅蜜得化身三昧等果卽是雲雨究竟成佛法身及所證如皆亦所徧虛空其首一耳次正釋文文中三分先讚請中有十六偈前十三讚後三偈請前中亦二前三偈但申供養有三類可知後十偈天女供讚於中亦二初一總標供讚餘九正顯讚辭於中亦二前八讚佛德能後一勸修利益前中亦二前五讚大用自在後三顯自在所由前中亦二前二用益普周後三隨見不等於中亦二初一總明後二八相顯所由中亦二初一智了世幻故文有喻合後二證窮性相故於中半偈證體半偈起用半偈用不離體半偈體用泯絕後三請中初一結默念請

後二上首言請第二正說論分八分一方便作滿足地分攝前九地所修總爲方便滿此地故二得三昧分初住地行行德無量偏舉受職之所依故三得受位分正住地行依前定力攝佛智故四入大盡分是地滿行望前諸地行已窮盡今復地滿盡之極故五釋名分此地學窮辯德顯稱故六神通力有上無下分地滿足已妙用自在形前無上形佛劣故七地影像分以喻顯法如因影像知形質故八地利益分彰說殊勝勸修趣入故後之二分通該十地將前攝後云此地有八若依前長科後二分通則此地分二先

明地行後彰位果地行之中方有六分如上所列六中初一是入心餘是住心出心卽調柔果已如前說今初分中二先總明後善滿下別顯今初無量智者阿含廣故觀察覺了者證智深故寶性論中地上菩薩起二修行一約根本智名如實修卽此證智二約後得智名徧修行卽此廣智諸地具起上二種行今於上二決擇思修別中十句攝爲七相初三七八二處合故七中一善修行故卽是同相謂初三句明證助不住諸地同修故初句證道無漏白法故何以得證由次句助道何因成助由後句不住道增福德故

不住無爲增智慧故不住有爲後六別相謂一廣行
大悲卽普遍隨順自利利他相此總前七地合爲一
相以七地差別之相八地之初已辨故此總舉普遍
釋廣隨順釋行大悲利他而成自業故云自利三一
句令佛土淨卽八地相下三相卽九地以親證此故
多舉之謂四一句教化衆生相卽九地自分行入十
一稠林故五有二句善解相謂解達真如是佛所行
處故善順如來能證寂滅行故六無狀足相當觀察
力等欲趣入故上句解此句行金九地勝進故前地
云晝夜專勤更無餘念唯入佛境界故七地盡至入
相謂十地證窮故同前諸地結行入位已屬第十故
云名爲得受職位第二佛子菩薩摩訶薩以如是下
明三昧分於中二初牒前起後後卽得下正顯於中
四初別舉十名二如是等下結所得數三菩薩於此
下彰入滿足四其最後下顯最後名今初十中初總
餘別總云離垢者離煩惱垢故是障盡地偏受此名
別中九定離八種垢一入密無垢謂解入事事法界
深密之處不與惑俱故二近無垢萬行已圓道場斯
近故如浮名說上來初一解次一行下三成德三放
光無垢謂光開心華令其見實亦能坐種種大寶蓮

華光無不照故四陀羅尼無垢如海包藏五起通無垢則無心頓現上五皆起法身之定也六有二定清淨佛土無垢上句無量則盡法界之疆域下句正觀窮國土之體性上六自利七化生無垢上之二利皆自行八正覺無垢謂勝進上覺將成菩提時一切諸佛迭共現前而證知故如下受職處說以本覺將現故二結數者亦是眷屬皆現前者久修成就不加功力自然現故三彰入滿足中能入者通方便定體入起相卽隱顯無方故云善巧善了所作卽知業用四彰最後名者將說受位分故一切智者佛無分別智也論經重言智者兼後得智二智平等名受位也第三此三昧現在前下明受位分於中有四一法二喻三合四結今初有六一座二身三眷屬四相五出處六得位六中前五自分德備後一上攝佛果前中初三位體次一位相後一位用前三卽依正眷屬今初隨何等座謂大寶華王座故於中二先明主華自有十相一主相卽寶蓮華二其華下量相三以衆妙下勝相具德故四超過下地相生處故五出世下因相六知諸下成相七恒放下第一義相正觀普照法界現事故如世蓮華開敷菡萏爲第一故八非諸天

撰述

六

宣四

下功德相菩薩德招故九毗琉璃下體相十其華下莊嚴相二十三十下明眷屬華第二爾時下隨何等身殊妙之身稱於座故第三無量下隨何眷屬第四佛子此大下隨何等相周徧作業爲其相故第五佛子此菩薩坐彼下隨何出處十處出光令惡道出離菩薩增行故文分爲四一舒光作業二衆聖咸知三下類奔風四同聲相應今初十處放光有三種業一利益業二發覺業三攝伏業今類例相從且分爲四一前之七光但有益業前五益凡後二益小二第八一光有二業半一者益益九地已還菩薩故二者發覺令知故言一半者但有攝義攝彼令來故三第九一光亦二業半一益等位菩薩故下文彼光旣令此益此光必益於彼故二發覺令知故言一半者魔宮不現是伏業故四第十頂光但有發覺文分爲三一顯照分齊二右繞下正顯作業謂興供成益益言不退菩提者論有四義一於登地證決定故二入正定聚故三定離放逸惡故四定集善事故三佛子下事訖收光言足下入者若約教相頂光入足顯深敬故若約證實終極之智從下趣入諸佛境故故論釋後段云平等攝故顯證佛境卽自證故第二爾時下衆

一
標述

大方廣佛華嚴經卷第十四

十一

宣四

聖咸知第三佛子是時下下位奔風申敬獲益文金
 可知第四當爾之時下同聲相應以修平等因行互
 相資故表內吉祥深廣之德嚴心已圓故外於此相
 放光相益又上此照彼放眉間光表中道已照今彼
 照此乃於智相者表心契懸同德圓魔盡名壞魔怨
 第六爾時十方下明隨所得位於中二一放光於中
 十業初光名卽益業益一切智令成佛故二眷屬光
 是因業三示佛是敬業四開悟業五振動業六止惡
 業七降魔業八示現業九如是下卷舒業十示現種
 種卽變化業二現是事已下入頂成益入頂者若約
 化相上收於下也若約實義照極心源名爲智頂成
 果在已是爲光入論云諸如來光明彼菩薩迭互智
 平等攝受故謂菩薩頂光入佛足則因上進於果也
 佛光入菩薩頂果收因也亦因收果入則無迹因果
 雙亡名平等也當爾之時下得益名爲下結位入佛
 境者所證同也具十力者行德同也墮佛數者如始
 出家便墮僧數第二佛子如轉輪下喻喻上六事文
 少不次初喻隨何身二其轉輪下喻隨何座三張大
 下喻隨何相四取四大下喻隨所得位王喻真身手
 喻應身餅喻白毫水喻於光應有第三隨何等眷屬

一撰述

大方廣佛華嚴經卷第十四

八

宣四

謂文武百寮以爲輔弼五卽能下明隨何等出處第三菩薩受職下合但合隨所得位正意在此故第四佛子下總結結斯一分大文第四佛子菩薩住此法雲下明入大盡分於中有五種大一智大二解脫大三三昧大四陀羅尼大五神通大此五依五種義一依正覺實智義離智障故二依心自在義離煩惱障文三依發心卽成就一切事義意定力故四依一切能度衆生義身及諸通廣能運故前二自利後三利他文中三前二別明後三合例今初智大分二先別明後總結今初有七種智一集智大二應化智大三加持智大四入微細智大五密處智大六入劫智大七入道智大此七展轉相生今初集智依能斷疑力了法緣集故文中先別明後舉要下總結前中有二十集皆明因緣集然通真妄及與和合故有三分一染分二淨分三滅分在文六重一唯染謂初四及衆生集諸見煩惱集二唯淨謂聲聞已下諸集三唯滅謂虛空四淨染合說謂識及有爲世界成壞五淨滅合說謂無爲及涅槃擇滅無爲爲淨非擇滅爲滅性淨涅槃稱滅餘三涅槃爲淨六通染淨滅謂法界故

論云隨所正不正以法界通善不善及無爲故而論諸句皆有隨所言者隨何等差別皆能知故第二佛子下明應化智中三初牒前起後以依前緣集智身起化用故論云依彼身起力次如實下正顯後如是下總結別中十句初三衆生世間自在化化起衆生善惡業及利鈍使令衆生見似真造作故次一句器世間自在化次五智正覺世間自在化三乘正覺故一法界化爲三乘所說法行餘四化爲三乘人及果後一通三世間有情有分別器無分別智正覺通上二也第三又如實知佛持下加持智論云依如是

如是轉行力謂依彼應化常化不絕爲加持行其事非一重言如是有十一句初三不斷三寶是境界持餘八是行持於中初二逆行勝熟炙身無厭行虐婆須染欲徧行處邪皆其事也後六順行前四起因行時謂起因之時願等因體後二得果在時時謂長劫智卽果體謂一切智智故第四又如實知諸佛下微細智謂知佛化用微細自在故論云依彼應化加持善集不二作故謂依前應化等三智合爲不二之智作此微細化用故隨一事卽具前三非但八相一具餘七文金可知第五又入下密處智依護根未熟衆

撰述

大藏傳書譜卷四

宣四

生不令驚怖故現麤隱細而祕密俱成初三卽總顯三密次三別顯起化密一意知化時二口與其記謂懈怠者遲記怯退者速記或引實行聲聞與應化者記又昔但記菩薩則於聲聞記爲祕密隨機隱顯後攝衆生密論經云攝伏謂攝受折伏皆通身口次一教密約實則無三說三三卽爲密但爲化菩薩故約機非一說一一亦爲密後三約所知明密知根種種知業萬差知逆順行皆得菩提故爲密也第六又知下入劫智依命行加持捨自在意謂劫時遷流名爲命行一攝一切名曰加持一入一切名之爲捨以廢已隨他故劫隨心轉名爲自在亦十世隔法異成門也以不得不思議解脫不見長短一多大小互相卽入等金如發心品第七又知如來下入道智論云依對治意說謂徧入諸道若逆若順皆爲對治無非入道此約知凡夫道若約知化凡夫道卽此逆順等便是佛道別中有十四句初句總入所化謂毛道凡夫隨風不定故論經云入凡夫道論云依凡夫地餘句別顯所化略有三種一依我慢行者令入微塵智觀破搏聚唯塵無我故二依信求生天者入淨國土過於所信故餘皆依覺觀者於中初句起覺觀身次二句

撰述

大藏傳佛華嚴經疏卷四

三

宣四

正顯覺觀心行差別次句明所覺境上四卽所化之
覺觀次四句能化之行初句總顯徧行故次二隨宜
若逆若順後句若深若淺後四句化令入三乘果第
二佛子一切下總結前七皆佛之智菩薩能入故名
智大第二佛子至住此地下明解脫大中三初標得
位次卽得下略顯有十初依神通境界轉變自在言
念不及故如淨名所得二能至無量世界以願智力
無拘礙故三明離障解脫故云淨觀離障有二金皆
知之一約位則世出世間所離不同二就出世中學
無學別此學無學金通三乘上三中前二約通此一

約智共爲一對總相以明約身明通就人顯智次三
一對一通二智四約心明通普照物機隨意轉變一
時普應如觀音普門示現故次二約法明智謂五卽
法陀羅尼顯如來藏中蘊恒沙德故六卽能破他言
隨彼言破無礙圓滿故次二一對相入通智約時明
通由達三世劫隨意住持相入故約因緣集顯智一
切種智包藏法界之中故後二一對約相卽明通智
約身明通不離一身光明輪而普照故是解脫光輪
約時明智卽一而能知多故後此十下結廣第三如
是乃至下總例餘三大盡分竟大文第五佛子菩薩

換述

大方廣佛華嚴經卷第十四

三

十四

摩訶薩通達如是下釋名分中三一能受如來大法雲雨故名法雲二佛子此地菩薩以自願下明能注雨滅惑故名法雲三佛子此地菩薩於一念下明注雨生善故名法雲然後之二段從自受名今此一段從所受立名論云雲法相似以偏覆故此地中聞法相似猶如虛空身偏覆故謂佛身雲偏覆法界法雨亦多唯此能受故名法雲文中二先總明能受之德由前七智成就念力能受多法此智實成多德故云無量菩提近說受持之義耳二十方下別顯受法之相於中三初總顯受多二歷數顯多三問答顯多今

初有法喻合法中三一明所受法多二大法明下所受法妙故下合云祕密藏也文有三句上二句性故謂三慧所知名法自性大法明是聞思智攝受故照是修慧所攝受故下句作故謂說授衆生如雲與他雨法雨故三於一念下顯能受德一念者速故既多妙又速展轉顯勝能安者堪能安受文故受者信受故上二受文攝者思惟攝取義故持者攝受彼文義成二持故此但順說下喻合中兼反顯不能文金易了第二佛子譬如大海下歷數顯多中先喻後合海能安者受一切水故受者不濁故濁如不信攝者餘

換述

大方廣佛華嚴經疏卷四十一

三

宣四

水數入失本名故持者用不可盡故第三解脫月下
問答顯多中先問後答答中二先校量顯示一佛之
所受法廣多後如一佛下類顯多佛言三世法藏者
三世佛法之藏也而論云於法界中三種事藏者意
取法明照雨蘊在法界故以彼經云法界藏故故爲
此釋第二注雨滅惑釋名中此中雲等如出現品廣
明悲雲普覆故法雷驚蟄故通明無畏照機速疾令
見道故以福智因成種種身如雲形顯多故法雨正
能破四魔故第三注雨生善釋名八相漸益故可知
大文第六神通力有上無上分中有六種相一依內

二依外三自相四作住持相五令歡喜相六者大勝
若就經文分二前四合爲一段正顯神通後二爲一
斷疑顯勝今初分二先別明後總結別中三初明依
內智慧明達者卽起通之智亦陀羅尼二神通者是
通體三自在卽通德亦攝不思議解脫及與三昧具
此三事卽通無上第二隨其下依外謂業用依外境
而起故亦是第三依自相謂轉變作用是神通相故
此二經文是一義分爲二今依自相釋文自有二種
一轉變外事於中三一同類略廣轉二垢世界下垢
淨異事轉三或隨心下塵容世界等是自在轉二或

撰述

大方廣佛華嚴經卷第十四

十四

宣四

隨心念於一毛下應化自身可知第三或隨心念於一念中示現不可說下作住持相謂常用不絕故第二爾時下斷疑顯勝中二先斷疑後顯勝今初卽論生喜由疑除故於中二先示自神通力斷疑二說法斷疑今初有二問答初一問答顯神力無上令衆歡喜後一問答顯神力有上令衆歡喜前中先問後答問中先大衆生疑舉佛疑菩薩如上之事佛可得爾菩薩豈然後上首爲請答中二入定現通二問答決擇今初卽事爲驗故於中三一法主入定國土體性無所不融故能一身包含無外二入此下衆觀希奇表通自在故佛號通王三金剛下攝用增敬第二爾時解脫月下問答決擇中三初問名字二又問下業用分齊三佛子菩薩住下類顯廣多於中二初但結多定已顯業用難思後佛子此法雲下結略顯廣則餘德無盡此中亦卽大盡中事第二解脫月下顯有上中謂劣於佛故先問後答問中卽舉菩薩疑佛謂菩薩旣實得爾則佛應不勝若言勝者其相云何故問辭則同疑意懸隔答中三一總訶問非顯佛德無量二復次下舉所未說顯佛德無量謂向所說乃是十地德之少分如四天下之少土全將菩薩之德

撰述

大藏經卷第十四

宣四

以比如來狀如四天下土以比無邊大地況將已說之少分以比如來則如一塊以比無邊大地佛證極故三佛子我今下引事類顯佛德無量第二佛子菩薩住如是智慧下說法斷疑者謂此地菩薩智慧能令衆生入一切智復顯上說其德不虛故疑除生喜然此下文當出地心比前諸地卽調柔果而論復將入前分中欲顯義門多勢終似惑人若準上例上來地行竟此下第二明其位果於中亦有三果今初調柔果中五一調柔行二此地菩薩智慧下教智淨三佛子此菩薩已能安住下勝過自在四此菩薩十波

羅刹下別地行相五佛子是名下總結地名五中前二合爲說法令喜可知後三及餘二果俱名大勝顯義多含故論連前勢爲果已定更不重言就大勝中初三明神通勝二攝報中得十不可說等名等數勝此二種事勝一切地故名大勝偏舉此二者以是神通有上無上門中明故就前三中先明勝過自在於中三初牒前次諸佛下別顯後舉要下總結別中五句爲三初句卽能斷疑行謂令通達三世之中所有道義故二一句速疾神通行聞說如來祕密法界故三餘三句等作助行謂以平等三道助通化益故於

撰述

方丈房傳書於此卷中

二

宣四

中初句作淨佛國土平等化卽是助道次句作法明平等化謂教智化後句作正覺平等化謂慈念令得證知故論經云令一切衆生得證法故餘別地結名及筭數等金可知大文第八佛子此菩薩摩訶薩十地行下地影像分於中四喻謂池山海珠喻四功德前二是阿含德後二證德前中池喻修行功德卽諸地中起修之行二山喻上勝功德卽依修成德德位高出故三海喻難度能度大果功德卽修所成德能至大果故謂大海難度十德皆徧故名能度大海難成由攬十德能成智海故云大果此釋法喻兼含矣四珠喻轉盡堅固功德謂從初地轉至法雲障盡證堅故又十地有三一是修地因前果後故初二喻顯之二是成地隨分修成卽是佛智故珠喻顯之三是法地就佛智法開之爲十故海喻顯之以後一融前二無有障礙又此四喻皆喻十地與彼佛智非一非異無差別之差別而言趣各殊初一喻始異終同次山喻能所依別所依之地則一能依之山不同此則無差之差上二喻有能所依下二喻直喻地智不立能所三海喻全一佛智之體而十德不同德非別物又互相徧不同於山斯乃無差別之差別差卽無

撰述

大藏經卷之三

十一

宣四

差四珠喻唯是一珠前後之異唯一智體前後增明
 喻雖無差別不礙差別又初喻前後體別前非是後
 而後包前次喻前前非後後後後非前前而同依一
 體海喻前後雖殊而前後相徧珠喻前後一體而前
 前非後後後必具前前初一即是圓家漸次喻圓
 中漸珠喻即是漸圓海喻卽圓圓也四喻圓融上來
 所解在論雖無理必應爾若得斯旨不疑十地差別
 等相今初修行德中有法喻合法中始從歡喜終至
 法雲名次第行相次第旣具則入智海譬中四大河
 者面各出一故具如十定品而言大者阿含婆沙云

出二十河以四河去池四十里各分爲四并本四爲
 二十今就本河所以言大下云增長攝餘十六而勝
 麋云八者以東面五河人皆具見餘三大河名聲普
 聞十二小河不聞不見故但言八合中菩提心合池
 流出善根等合四河依菩提心修四攝行自善增長
 故準十定品說有四河今文舍具一願智河卽大願
 之水二波羅蜜河三三昧河卽今善根四大悲河卽
 以四攝法充滿衆生故言無有窮盡等者合上無盡
 竭大願等皆無盡也第二山喻上勝功德中有四初
 總舉於法次如因下總顯於喻三佛子如雪山下法

撰述

大藏傳華嚴經卷十四

宣四

喻對顯四佛子此十寶下總結法喻今初言因佛智者爲修平等佛智而起諸行修旣未窮故隨十地之行各一增上斯乃爲修無差而成於差以本統末非全隔越第二總顯於喻意可知鞞陀黎者此云種種持由乾陀此云雙持迴文卽云持雙也尼民陀羅此云持邊斫迦羅此曰輪圍計都末底此云幢慧第三法喻對顯中語其山體前二土山餘八是寶故論云是中純淨諸寶山喻八種地三地世間云何言淨論云厭地善清淨故謂能修善厭伏煩惱亦得爲淨喻以寶山若語山中所有卽明各有增上義也初地

聖智法藥二地戒香三地禪等可貴如寶四地出世如仙五地善巧自在如夜叉六地以五地修四諦因相同聲聞未能出彼六地超彼成果無盡七方便善巧如彼龍神超前緣起之因名緣覺果八地無功用心自在故此自在衆卽是密迹諸神九地善巧攝生大力相故十地佛德如天已淳淨故論云前三及六非衆生數餘皆衆生數就非衆生數中有二種事一初二及第六是受用事資內報故第三寶是守護積聚事受用中有二一藥是四大增損對治二香及果卽長養衆生以捷闡婆常食香氣故衆生數中復有

六種難對治一五通福田治貧窮難以供彼仙能生福故二夜叉治死難威制眷屬不令害人故三龍治儉難降時雨故四諸自在衆治不調伏難調伏難調故五修羅治惡業難以呪術力制諸眷屬不造諸惡故六大威德天治修羅怨敵難以四天王三十三天俱處此山故論但顯喻義合於法今略合之初地法藥初破無明故二地戒六地無漏慧資法身故三地禪等可蘊積故四地道品資助能生福故五地修無住不永滅故七地功用滿足無所少故八地三世間化得自在故九地善知稠林得無礙辯破惑業故十地如佛降四魔故皆言集在其中者如所說事能生一切物故不可盡者隨順修行不永斷不覽息故第四總結法喻卽結成本意本意有二一旣同一智海得差別名則差非差也二互相顯義謂彼十大山因海得高勝名若在餘處不足爲高故大海亦因大山得深廣名舍斯大義故十地亦爾因修佛智故得高勝佛智亦因十地所不能窮方顯深廣故論云因果相顯前言依地卽一切智地生長住持故此言依海卽一切智海由深廣故以山依二處法舍二義故更顯之又地則但依海兼明入故一一山皆深入大海

撰述

大藏經卷第十四

三

宣四

一一地智皆入佛智又一一山下皆有於地則一一
地中皆有佛地又山在海海則非山山若依地山卽
是地法合是顯非一異義思之又山出海上高下等
殊若入海中量皆齊等十地教行則優劣懸差若證
如入智量皆平等第三大海十相明難度能度大果
功德先喻後合皆有總別合中總云不可移奪者此
有二義一果海因十地相不可奪其果海深廣之名
一地行因相由依智海不可奪其因行之稱以是海
家之相故果家之因故若奪因相則果亦不成喻中
約果名不可奪法中舉因名不可奪文影略耳故論

云因果相順故云何相順謂十地如大海此總舉也
能度難度者顯因順果也如海十相方能成海得大
菩提果故果順因也如海成時不失十相離十相而
無海離十地而無佛智故十地卽智海也別中攝十
爲八一易入功德以漸故二淨功德三平等功德四
護功德護自一味恒不失故五利益功德利世間故
六六七二句合爲不竭功德以深廣故七住處功德
無功用行是菩薩所住故經云大身者以無量身修
菩薩行十身相作故八末後二句合名護世間功德
九地潮不過限不誤傷物知機授法不差根器十地

若無大海水溺四洲餘不能受必生毀謗又得此二法用護世間第四寶珠喻轉盡堅固功德者先喻後合各有總別總云過衆寶者論經云過十寶性雖不列名論但云過瑠璃等意但取玻瓈等不能出寶者以況小乘八輩及緣覺行果但有淨相無利生用今以出寶乃至放光則出過衆寶故取之爲喻故論云以出故取亦可以出海故取之除不出者闕餘義故別中攝十爲八合六七八故八中一出功德可取者選擇出海故由初地中如智善觀出煩惱海也二色功德由治理之則色明淨故三形相四無垢五明淨

金可知六起行功德卽次下三句謂智行穿徹方便行攝持自在行高顯故相用不染猶彼瑠璃頌云金剛取不動不壞上三皆是異相莊嚴故合爲一後二句明功用殊勝謂七神力功德聞持普照體用微妙故八不護功德謂隨王雨寶無護惜故約法則得佛正智受位如王令一切衆生同已善根藏故如隨意雨寶故合云廣作佛事合文可知大文第九佛子此集下地利益分於中三初顯法利益二如此世界下結通十方三爾時復以下他方來證今初分二初生信功德後兩衆天下供養功德今初復二先明說益

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

生信謂欲令物生決定信故說利益後爾時下動地
生信今初亦一先總歎難聞後解脫月下問答顯益
答中二先正顯等於佛智後何以下徵以釋成先反
後順然聞有二義一者汎爾聞爲遠益故二不取聞
相初後圓融真實聞故聞已等佛何更修也若更修
行等多佛故第二動地生信中佛力爲緣而動地者
亦爲生信故又法如是者亦是因也餘如初會第三
重頌分若取長科卽當第十於中二先說偈儀意後
正顯偈辭今初先說儀後欲讚下說意意有九句大
旨同前諸會今約當會以釋初句卽顯初地次句卽

二地以三聚戒爲行境故三卽三四二地厭禪出世
智皆淨治行力故四卽五地五明成種智故五卽六
地般若能除垢故六卽七地空有無礙與一切智故
七卽八地無功不思議智莊嚴三世間故八卽九地
十地能說能受諸功德故九卽總結便指上八句如
是地義以頌說之云更開顯第二正顯偈辭有四十
二頌分三初一偈總讚勸聽後一偈結說無盡中間
正頌分八初十三偈頌方便作滿足地分於中初二
頌半總頌前九地同相中善擇功德餘頌諸地別義
若依總攝卽次第頌前十地前八地中唯三地半偈

校述

大方廣佛華嚴經疏卷第四十四

三

宣四

餘各一頌九地有三頌兼結入位二有一偈頌三昧分三有五偈半頌受位分四有三偈半頌大盡分五有三偈頌釋名分六有二偈頌神通力有上無上分七有四偈半頌前位果亦是神通分攝如長行辨八有七頌半頌地影像分於中初三偈半頌山喻次二頌海喻後二頌珠喻池及地利益分文略不頌其利益分亦可結說無盡頌之十地竟

大方廣佛華嚴經疏卷第四十四

大方廣佛華嚴經疏卷第四十五
唐清涼山大華嚴寺沙門澄觀撰

千定品第

十七

第十四

經

丹陽居士賀懋熙懋照懋瑩懋燾懋燾輝仰承
先嚴賀學禮遺願施貲刻此
大方廣佛華嚴經疏卷第四十四 計字九千
二百二十六箇 該銀四兩六錢一分三厘
龍山釋海瓊對
崇禎五年孟夏月徑山化城寺識

撰述

大方廣佛華嚴經疏卷第四十五

三五

宣四

大方廣佛華嚴經疏卷第四十五

唐清涼山大華嚴寺沙門 澄觀撰

十定品第二十七

入第四
經

澄觀撰

初明來意先辨會來會來有二二約圓融謂前明普門中所具差別正位故寄歷人天今明位後德用不離普門是則會別入普有此會來重會普光意在斯矣等妙二位全同如來普光明智故二約次第前明十地今顯等妙二覺故來以極果由於始信故重會普光謂前依本不動智體起差別之位今位極成果不離本智之因後出現因果因是果中之因得果不

接述

大藏經卷之五十一

宣正

捨因故果是果中之果大用無涯故二品來者爲答
 第二會中十定問故第二釋名會名有二約處名重
 會普光明殿會由第二會已曾會此故重意如前約
 法明說普法會二品名者定謂心一境性十是數之
 圓極以普賢深定妙用無涯寄十以顯無盡故云十
 定品卽帶數釋若依梵本具云如來十三昧品以等
 覺三昧上同佛故三世諸佛之所行故云如來三昧
 譯家以義通因果故略如來二字然三昧爲定雖非
 敵對由等持心至一境故義旨相順從略云定又別
 行本名等目菩薩所問三昧經皆人法雙舉梵本是

依主釋別行卽依土釋三宗趣者會以普賢因果德
 用圓備爲宗令物證入爲趣品以普賢三昧無礙自
 在無邊大用而爲宗趣次正釋文此會有十一品經
 分二前六明因圓後五明果滿若依古德前九明生
 解因果後二明平等因果前中亦二前六品明位後
 因相後三品明差別果相然六品之因若約次第與
 前五會俱是差別之因若約圓融等同果相故與果
 同會果是對因之果與因同會平等因果由差別成
 亦與此同會今初此因卽是等覺然文有等覺之義
 而無等覺之名者以此等覺亦卽十地之勝進故是

以諸教開合不同仁王經等合此勝進入於十地是以不立等覺故教化品中約五忍分位於寂滅忍唯有上下下忍中行名爲菩薩卽第十地上忍中行爲菩薩若此謂如來若依瓔珞開此勝進爲無垢地卽是等覺然等覺照寂妙覺寂照又賢聖學觀品中說六種性及六堅六忍等瑜伽具有二義七十八引深密經說十一地第十法雲十一說名佛地唯有二十二愚得佛地時由斷二愚一於一切所知境極微細著愚卽俱生極微細所知障種二極微細礙愚卽是任運煩惱障種斷此便能證大菩提更不別說等覺

斷證論復有文亦立等覺又菩薩地云此菩薩雖已修行功德海滿由未能捨三種法故不名妙覺一由未捨劣無漏法二由未捨白淨無記法三由未捨有漏善法至妙覺位方捨此三今經欲顯開合無礙故存其義不彰其名下離世間品智慧助道具中旣云隨順六堅固法有等覺明矣文中分二前三品正答前問後三品總顯深廣今初分二前二品明業用廣大後一品明智慧深玄前中亦二初品就定明用後品就通明用前中分五一序分二請分三示說者分四本分五說分初中三初總顯二成就二始成下別

顯三成就三與十佛刹下別顯衆成就二中分三初
約主顯以一於普光明下約主彰處三入刹那下就
德顯主於中十句卽攝二十一種功德中二十別句
總句卽前始成正覺故一入刹那際三昧者卽窮法
真源謂時之極促名曰刹那窮彼刹那时相都寂無
際之際名刹那際卽攝二句謂二行永絕及達無相
法若有二行則有刹那二行旣絕則刹那無際由達
清淨真如本無相故所以此中特名入刹那際者爲
顯將說等覺位故菩薩地盡唯有果累無常生相未
寂猶名識藏若以無間智覺心初起心無初相遠在
微細念故卽無刹那若入此際卽見心性常住名究
竟覺故云諸佛三昧亦顯差別歷位不離最初刹那
際故一以一切智自神通力現如來身者依通起用
此攝二句一切智通卽住於佛住謂由一切智無有
功用自神通力常作佛事故次現如來身卽攝得佛
平等謂住上一切智現身利樂有情故三清淨無礙
攝三句謂清淨攝二句一攝到無障處謂慣習覺慧
永斷所治故云清淨二攝不可轉法由清淨故他不
能轉無礙者卽所行無礙世間八法不能礙故四無
所依止無有攀緣卽立不思議謂雖立教法不依世

撰述

大藏經卷四

四

卷五

間故非諸世間所能攀緣故五住奢摩他最極寂靜卽普現三世以見三世平等如理無異爲最寂靜六具大威德卽身恒充滿一切世間現受用變化身大利樂故七無所染著卽智恒明達一切諸法謂於諸法善決定故無有染也八能令見者悉得開悟此攝二句一攝了一切行謂知有情性行差別隨開悟故二攝除一切疑謂知彼遠劫微少善根亦令開悟故九隨宜出興不失於時亦攝二句一攝無能測身謂如其勝解而示現身如摩尼珠名隨宜出生不失於時一攝一切菩薩等所求智謂調伏有情攝受付囑

等皆不生時故十恒住一相所謂無相攝餘五句謂到佛究竟無二彼岸等隨義雖殊皆由一相無相而成可以意得餘如升兜率品辨第二別顯衆成就中五一舉數二靡不下歎德三其名下列名四如是等下結數五往昔下集意歎德中十一句初二句總位極行圓故餘九爲別前四自分德初二行相一深二廣後二行體一定一悲後五勝進德前三同佛三業大用可知後二同佛無住涅槃初句釋謂不住涅槃故入世間不住生死故心恒寂靜後句結德屬人三列名中一百菩薩初有三十同名慧者表純德故念

撰述

卷之三

三

宣五

莊嚴下七十菩薩別名者表雜德故餘二可知大文
 第二爾時普眼下請分中四一普眼請問要以普眼
 方見普法故二佛言下如來許問三普眼下舉法正
 問四佛言善哉下歎問利益大文第三普眼普賢菩
 薩下示說者分以法屬普賢故示其令請於中有六
 一示人令問二聞名獲益三推求不見四教起見方
 五依教而求六爲現身相今初分三一示處二已能
 下歎德三汝應請下教問第二爾時下聞名獲益中
 蓋十種益文並可知第三其諸菩薩於普賢下推求
 不見中有三推求皆悉不見一渴仰推求不見二重
 觀察不見三以三昧力推求不見文各有釋今初先
 求不見後此由下釋不見所以威力持者欲令大衆
 渴仰得顯深旨故二重求中三一審問重示法本湛
 然故初無移動二是時普眼下推求不見猶謂可見
 故三佛言如是下釋不見所由於中二初印定徵起
 後善男子下正釋所由以住處甚深故文有十句初
 句總次八句別後一句結別中四對一廣智勝定深
 謂智門無邊有邊之智焉覩定用起伏無畏展促自
 在唯以出世定求故不可見次二外用內證深次二
 得力成身深後二多護速證深由上八深故不能見

第三爾時普眼菩薩聞如來下以三昧力推求不見於中分四一新獲三昧二以三昧下以定推求三時普眼從三昧起下自陳不見四佛言下釋不見所由於中五一約法總標由住難思解脫翻上三昧可思入故二普眼於汝意下以近況遠三何以下徵釋所由釋中二初略標深廣翻上三昧尚有數故後舉要下舉略顯廣文有十句初句總以金剛慧達差別法界俱空故餘句別由了空故一世界無住處二衆生無可化三寂無去來四豎無斷盡五橫泯差別六體非體故不礙現通七用非用故無依無作八不離加

如故無動轉九理事圓故窮法界邊四善男子若有下彰見之益五爾時普眼下歸敬彌增文顯可知第四教起見方中初令策勤前心次又應下別示深觀上捨境別求故未識其體今令十方齊觀知其體周下依此觀是以得見後誓與下起願思齊具上三心則能得見第五是時普眼下依教修行然普眼位深而猶重習觀修者略有二意一位未等故二示深獎勵故第六爾時普賢下爲現身相於中五一爲衆現身不見顯深現不礙用故二是時普眼下衆觀喜敬三是時以佛下現瑞成益四爾時普眼下歎德廣深

於中十句無等者下無等故無過者上無過故餘可知五佛言如是下如來印述初印後述述中十一句初句總後所謂下別別有十德一二嚴德二圓明德三深廣德四色相德五慈覆德六超勝德七知法德八絕言德九同佛德十讚無盡德大文第四爾時如來告下本分有四一舉益令說二何者下列所說名三此十大下歎定勝德四是故普賢下結勸成益今初分二初勸說成益後諸菩薩下引例證勸以三世諸菩薩若說此定皆成益故第二列名中皆云大者因滿之定稱法界故一普光者身心業用周徧全包

爲普智照自在名光二妙光者身智徧照爲光勝用交映爲妙三十方無餘之刹皆至入定爲徧往往無雜亂不礙時節歷然爲次第卽能起用名神通以智用如理本自徧故四明達諸法本自清淨離於想念契理深心依此起用徧供諸佛請法起說名之爲行五佛出劫刹等事皆名莊嚴過去門中包此無盡爲藏亦名過去清淨藏者入定能入劫一念無緣起定能受法三輪無著皆名清淨六未來藏中包含諸佛及佛法等名之爲藏智慧徹照稱曰光明七現在諸佛作用衆會身相益物皆曰莊嚴橫徧十方故云一

切現可目覩故不云藏八於差別衆生身內外入定起定皆自在故雖通三種世間從多但云衆生前後諸定皆從多說九於眼等十八界自在入出又知事法界邊際與理法界無礙自在故十無礙輪者三輪攝化皆自在故又得十無礙滿佛果故無盡大用一一無礙皆悉圓滿能摧伏故尋初後際不得邊故第三歎定勝德於中四一約人以歎人勝故法勝二若諸菩薩下約修以歎於中二先明修成後如是下修益於中亦二初有十句明上等佛果後此菩薩普入下明身智周徧皆言普入者一一皆窮帝網境故文

顯可知三此是諸菩薩下直就法歎明此十定該攝諸法體相用等一一超勝故十門五對一境智通悟二因果遊入三通辨出處四佛法所從五嚴土攝生罔不由此四若菩薩入此下約證以歎前約修歎望於佛果以顯終同此約證歎直就此定以明業用亦二十句前十明勝德無限文顯可知後得法界智下明智德自在及第四結勸文並可知大文第五爾時普賢下說分中三初承旨總告二佛子云何下別釋十定三第四十三卷末云佛子此是下總結十數二中十定卽爲十段各有標釋結就初定釋中分五一

撰述

卷四十五

宣五

智無盡一心無邊二定自在四智巧現五觀超絕各有佛子以爲揀別五中初二一定方便次一定體後二定用又前三各有標徵釋結今初釋中十句五對初二所事所化次二化處化法如影者無實故隨現故次二攝護始終次二所持能持後二始心終願第二心無邊者前明所知無盡今辨對境發心以境無邊故心無邊有十一句者增數十也第三定自在者由前大智大心故於三昧自在方處非一入出不同故云差別文並可知第四智巧現中有標徵釋釋中三初法說於中先十句別明展轉深細後一句總顯離

相分明次舉喻後佛子阿修羅下以劣況勝第五觀超絕中有法喻合合中異前化現故云法身法性包含故一時頓見由此義故無能映奪第二妙光三昧釋三先法後喻法中四一身雲展入二是諸世界種種下身智俱入三是諸世界亦悉下明其卷入四然諸下明展卷無礙二喻中文有二喻前互入無雜亂義一寶山光影喻二幻師善巧喻前中先喻後合喻中有五一明日光現影七寶山者卽七金山如十地末所列其名但除妙高及雪香二山山間有七香海海現日影山以淨金亦能現影二其實山上下

懷述

大方廣佛華嚴經卷之三

宣五

明兩影互現正喻菩薩自他互入以彼影明淨如今
之鏡故能互現三或說日影下正辨得名不同謂水
中本影現山上影時此所現影從山上出來入山間
若山上本影現水中影時此所現影從山間出入七
金山上故正入時卽名爲出所喻可知四但此日影
下明重現無盡喻菩薩帝網身土五體性下明體離
二邊故能互現而無雜亂謂取不可得故非有影現
分分故非無不住成上非有不離成上非無若有定
住則不能相入若其離者則無可相入故不離不住
方能相入後法合中直明不壞不住故得互入無亂

初二句明不壞性相謂若壞性相則無可相入次二
句明若住內外則不能相入謂若住世間內則不能
身包世界若住世界外則不能徧入世界由俱無住
故能互入於諸世界下釋其所以由定無分別而不
壞相慧觀一相而不壞諸旣事理雙遊故不壞不住
若不壞不住則住真如恒不捨離旣卽事不捨故相
隨性而融通如無不在故同真如內外互入後如幻
喻中一二初總喻後如有幻師下別喻今初先喻後合
喻中三初總明能幻二住四衢下明依本時處現幻
時處喻互相入後不以示現下本末互不相礙喻不

壞相後菩薩下合中五一明一多相容不同合上現
多時處二菩薩於此下明智鑒不昧合前能幻之術
三不以彼下合不壞本末之相四何以下徵釋所由
先徵意云何以互入得不壞相釋意有三一由知人
無我故人我之相已見上文二菩薩知一切法本性
下知法無我故三菩薩勤修下得同體大悲故由此
故能融通事理第五佛子菩薩如是下結成上義於
中三一結上多入一二然不捨下結上不壞性相後
常勤下結上明鑒第一別喻中有三逆喻總中三段
一幻不壞本喻別喻不壞相二如是幻者下幻必依

處喻別喻前依本時處現多時處三如彼幻師作諸
幻事下明幻師不迷喻別喻前能幻今初先喻後合
合中先正合後菩薩了知下釋其所以第二幻必依
處喻先喻後合喻中略無幻必依時準合應有合中
分二先合依處後合依時前中初總合以記物現故
空卽事空次何以下徵釋所以由理無差故後住於
世下結成自在二於一念下合於依時於中先正顯
及第三幻師不迷喻文並可知已下入第四十一經第三定中
釋內有三謂法喻合法中五一明徧刹入定二或刹

標題

大方廣佛華嚴經卷四十五

三

宣五

那下明入時次第三若久下總結多門四菩薩於彼下心契定體五雖離此下不廢起通及喻合等文並可知第四定中釋內分二先明定內深心行後明定起深心行今初分二先起行後深心前中先舉內後於彼一一下起行於中先明外事供養行後於彼一恭敬等三業供養行二然於諸佛下明深心中二先法說後如散動下喻況於中二喻各有喻合一妄念無知喻喻其契實無念二陽炎似水喻喻其了妄同真文並可知第二佛子此三昧下明定起深心行中初法次喻後合合中上明供養自利行今明開演

利他行文影略耳開演深理卽深心起行也第五定釋中有五一對境辨智二正顯智知各有十句皆是過去藏中之法三所知時分有十四重卽釋過去之義四顯知相狀不滅現在者不捨也不緣過去者不取也謂但約過去門顯非有取捨而緣上四各一佛子五明出定獲益有三初舉數辨相有十句初句總位終成果名受灌頂法也餘句別一屬已二淨障三究竟四始入五正證六終滿七持令不失八無知而知九淨三輪總該前九如約智辨三輪者謂無能知所知及正知故餘可思準二何等下徵列其名初四

標述

方廣佛頂經卷第十五

二五

是四無礙辯次二自利不畏深法如言能行次二利他爲善者依爲惡者救後二總明二利勝妙三佛子下結得速疾有法喻合歌羅邏者此云薄酪餘可知也第六智光明藏三昧釋中分二前明定業用後彰定利益初中分六一總知諸佛二若已說下知多名號三當出現下知當所作四彼諸如來修下明知彼因圓果滿五彼諸如來名姓下知現所作六此菩薩於一念下明知分齊其中大千卽是佛刹而重言者多是遺脫應言百佛刹也餘並可知二以了知下彰定利益於中四前二自利後二利他謂一令心入持

益卽由上知故持之不失由持不失得持之益一心中持佛得佛護益二心入持法得總持辯才益餘句倣此有十二者增數十也師子受生者不畏生死苦故示生死實性名開法關鑰了生死本空故出欲淤泥智力持者定慧雙運也入無住力持則大劫不離一念二佛子至住此三昧下明得善巧益有法喻合然善巧有二一如事善巧故法云不可說無量喻云見種種物二如理善巧故云日光平等又由此二無礙方名善巧故合云無分別而能知三佛子至如是了知下明得不空益四佛子至住此三昧下十王敬

養益第七三昧釋中二先明定體用後明定利益前中亦二先徵後釋所以重徵者前通徵一定此則別徵莊嚴後佛子菩薩下釋中二先釋一切世界以是現在故但云十方二皆見諸佛下釋其莊嚴於中二先總列十門皆是莊嚴其中第八別明莊嚴者卽功德智慧以嚴其心色相光明以嚴身也後衆會清淨下別顯嚴相以廣前二廣衆會二廣莊嚴今初有三初明見他二見自三能見今初亦三初見衆會體相次亦見衆會下明見分量後亦見諸佛於彼下見佛作用二菩薩摩訶薩下明見自可知三如是見時

下明能見有法喻合法中明無分別而見喻中明能所詮不自云我是能所詮而不捨能所詮以喻無分別故而知也合中先合不捨後而於下合不分別二佛子至見佛無量光色下廣上莊嚴中二先以法說後以喻顯前中二先標章門略舉四種莊嚴皆分明證了後或見佛身下依章別釋卽分爲四一釋無量光色二或見佛身其量下釋無量形相三佛子菩薩如是見下釋上圓滿成就顯前二圓滿故四又見佛下釋上平等清淨卽兼內二嚴二佛子菩薩如是見於佛下以喻顯中三一空無增減喻喻法性身無可

攝述

方廣經卷之五

三

宣五

增減空之大小在於世界及於芥子非空體然如法性之身應器成異二月無增減喻喻真常色身體不易故證有近遠隨心見殊前喻但喻佛身此喻兼喻光色及圓滿成就三隨心現境喻喻上清淨菩薩心淨則見佛淨在於如來何淨何垢第二佛子至住此三昧下明定利益略舉七種益各有佛子以爲揀別第一速成行願益有標徵釋可知第二法印同佛益有十句五對初二福慧同次二二諦境智同次二體用同次二二利同後二善巧平等同第三以德成人益可知第四智德包含益於中二先喻後合各有十

句合中總標合初獲卽得十句合前十事唯八九不次以智雖是一從所知別故一佛刹合色相二衆生合形體三變化合示現四入佛合眷屬以互爲主伴如眷屬故五通達佛法爲助道資具六普攝淨法則圓音示入七皆令人法方是神通入普眼清淨超合慧解九自在却合自在十住法合智用第五身威超勝益有標有釋第六令他圓滿益先牒前起後後徵列名相第七轉作佛事益亦先牒前起後後徵列名相文並可知已下入第四十二經第八一切衆生差別身三昧釋中分五一明能入智二顯入出之相三明入定之

撰述

方廣傳華嚴經卷第十三

宣五

益四明境界自在五總結究竟今初由得十種無著成後出入自在一切地者佛地菩薩地等二入出相中二先徵起後釋相於中先法後喻法中略辨十類以表無盡一諸類正報相對明入出二天中入下六趣依報明入出三千身入下一多相對四閻浮提下四洲大海相對五一一切海神下大種事法相對其無生法乘四大種生便故來六一切妙香華下諸方相對七一切四天下下衆數多少相對八不可說不可說衆生衆中入下染淨相對九眼處下諸界相對十一微塵下雜明諸類相對爲麤細凡聖念劫真妄等

其入出等義如賢首品二喻顯中有四喻喻前十類各有法合一鬼力持人喻喻第一第四多約身故第二呪起死屍喻喻第二及與五六多約依報境故第三羅漢現通喻喻第三第七多約數故第四地一苗多喻喻後三門雜明種種故喻合相映文理自顯第三佛子至住此三昧下入定益中有三一得讚同佛果益皆上句顯義下句結名十力義中云心志圓滿者明力自利義義利成就顯力利他所作皆辦彰力圓滿住無礙智總顯力體分別了知一切諸法通明力用餘文可知二身智光照益三業用無作益皆有

撰述

大方廣佛華嚴經疏卷四十五

一七

五五

佛子文相並顯第四佛子至住此三昧無量境下明
 境界自在先法後喻今初前第二段但明入起今兼
 明逆順有無等爲種種境界起中入者卽用之寂故
 入中起者卽寂之用故是知菩薩之定常入常起常
 雙入出常無入出方爲自在爲顯自在寄諸境界交
 絡而明二喻顯中文有六喻皆自有合一幻現六境
 喻喻前同異二修羅竄匿喻喻前麤細小大二對若
 約理事相望則無差別爲細差別爲麤理細事麤故
 或無差爲麤總相入故差別爲細別相入故無差則
 大周法界差則隨事成小若唯約事明大小並差別
 所收三農夫下種喻喻明上下合辨一多文影略耳
 四受胎生長喻喻上有身無身如彼從無之有故五
 龍下雲上喻喻有相無相六梵宮普現喻喻上入中
 起起中入及逆順相對故合云種種第五佛子至到
 神通彼岸下總結究竟並顯可知第九法界自在三
 昧釋中四一顯定體用二明定成益三以喻寄顯四
 總結雙行今初分三初總顯名體謂於眼等法界得
 自在故二菩薩於自身下彰入定處謂於毛孔中入
 眼等定顯互用自在故三自然下明定功用於中四
 一了三世間二菩薩於彼下多劫修行三又於下入

(撰述)

大方廣佛華嚴經卷第十五

一五五

一五五

出無礙四以於法界下結成自此有一義一於理法界自在故能善分別眼等界二善分別眼等十八界卽是事法界自在此二無礙及事事無礙故云如是種種皆橫盡其邊豎窮其際第一菩薩如是下明定成益中辨十種益一生多功德益有二十一句各十千億二佛子至復有無數下具無盡德益隨前一事皆至無盡故於中二十句前十句所具之多後十句能具之相清淨者除垢故瑩徹者發本智光故三佛子至住此三昧下諸佛攝受益於中三初明攝受次彼諸佛下現身說法後令修下令其修證四佛子

至住此法界下諸佛護念益攝受攝之屬佛護念卽佛力來加五得十海深廣益六得殊勝超絕益並可知七得諸力幹能益於中初列十力後佛子此十種力下顯其超勝隨前一一力皆具此三十八力八佛子此菩薩下結能圓滿益九此菩薩功德下自德無邊故他不能說益十佛子至住此三昧下三昧無邊自無不了益上十段中前七別明後三總結第三喻顯中正顯前體用及益亦明前所未顯故不全似上文文中二先總舉喻體後佛子如無熟下對喻別合有十二門各先喻後合一合流沙入海喻中先總明

攝述

大藏經卷四十五

十一

宣王

喻合雖舉四河意在四口出沙故下第九別明四河後如恒伽下別明四辯卽喻四口所說卽喻四沙若開四辯總別爲五則有十七門二如四大河下合遶池入海喻於中先喻後合合中先合遶池菩提心智名之爲池三業隨順智慧卽爲遶義後佛子下合其四方三如四大河圍遶下合池間寶華喻說法有開敷之義三昧有因果之能莊嚴清淨皆華上之別義四合寶樹遶池喻五合大池清淨喻卽是池體六合栴檀香岸喻十種智寶有二義一卽離世間中十種如寶智二卽他心等十種智也七合底布金寶喻妙

智合金沙解脫合摩尼無礙光明合一種放光住佛所住入於甚深合布其底上四段各以如無熱大池爲首八如阿那下合龍王無惱喻卽合池名名因龍得故九合四河潤澤喻十合四河無盡喻十一合入海無障喻十二合入海無厭喻上之四喻各以如四大河而爲喻首上之十喻皆以菩薩而爲合初十三佛子如日光下合衆寶交影喻先喻後合合中二先正合後何以下徵釋涉入所由第四佛子至雖能於定下總結雙行謂權實定散無障礙故於中三先法次佛子下喻後菩薩下合然法中明卽寂而用喻合

支那

大藏經卷四十五

十一

宣王

乃明卽用而寂文影略耳已下第四十三經第十無礙輪三昧亦初徵次釋後結釋中三初明入時方便二佛子菩薩摩訶薩住此三昧已下明入已智用三佛子菩薩摩訶薩入普賢所住下定滿成益今初有二十二句兼顯定名初十一句因用無礙是無礙義後普入下有十一句住果圓滿即是輪義今初段中卽此無礙無所不摧亦卽輪義初三句三業無礙次句器世間無礙次二句衆生世間無礙餘句智正覺無礙後住果中二智通權實故云普住三作利樂事四淨二障種七智契佛境餘七可知第一入已智用中四第

一攝佛功德二證入諸法三普德無盡四結示勸修初中卽攝如來二十一種殊勝功德以此位中德等佛故其間或全同佛相或有約因相似而次第無差於中三初總明妙悟皆滿次別顯二十一德後顯德勝能今初十句初句標滿時餘九顯滿相然一切智若對種智卽是根本若直語佛智則通權實今此顯通於中初三句始觀言觀一切智者標也云何觀觀有二種一總觀謂權實齊觀故二別觀此是實此是權權中有多差別皆審照了故次三句中順亦初句標次云何隨順由前總觀故頓能顯示由前別觀故

標述

大方廣佛華嚴經卷第十五

三

宣五

各各攀緣後三句終契釋同前觀但由前觀察今證見分明耳二於普賢下別明二十一種功德分二十段後二合故今初第一明二行永絕卽於所知一向無障轉功德然有二義一謂非如二乘有無智故二不同凡夫現行生死起諸雜染不同二乘現行涅槃樂事世尊無彼今菩薩亦無文中廣顯利樂卽不同二乘皆與智俱卽不同凡夫就文分二先總明大用常恒二佛子此菩薩有一蓮莖下別顯一用前中二先法說後喻明今初法說中二先正明後徵釋今初先明行體後不斷下辨常恒二徵釋中徵意云何以得此智滿行常釋意云願行善成智慧善巧故第二喻顯中四初喻二合三徵四釋今初摩尼寶置色衣中卽總喻菩薩心智置佛智中雖同衣色喻前智滿十句故合云觀一切智等不捨自性喻前行常二十句二合如喻辨二徵意云何得已能滿智而不斷行耶四釋意云菩薩無障礙願法應爾故窮盡生界益無疲故文中二先法說可知後轉以喻況於中三喻皆喻利生無厭各有法合一虛空持刹喻喻大願法爾故無厭二涅槃普滅喻喻爲淨衆生故無厭上二喻悲三佛智普成喻喻能所不二故無厭此一

喻智既非愛見之悲何有厭乎第二別顯一用中二初明依果殊勝後菩薩摩訶薩於此華下正報自在前中二先明相嚴過前十地故窮十方際後此大蓮華下辨德嚴自內而觀量周法界自外而觀許衆生見斯乃卽小之大也二正報中二初明身量大小後一切諸佛下明佛加放光有二十重後後重中皆倍前前百萬億那由他不可說佛刹微塵數倍則數難量矣第二佛子菩薩至住此三昧下明達無相法卽同諸如來於最清淨真如能入功德初結前生後達無相故不染後安住下正顯安住卽是入義謂此貞如非有非無故云無邊定有定無卽是邊故不可說法卽離言真如其法界實相及無礙際皆真如意名而云如來種性者諸佛以無性真如而爲性故出現品云皆同一性所謂無性法華云知法常無性佛種從緣起無去來等重顯真如卽是中道故深無底現量已下別明能入之義第三爲去來今下明住於佛住德謂佛無功用常住聖天梵住故文中先三世佛讚文通前後二段從諸佛力下正顯其義謂入一切佛境卽聖天等所住境也淨眼現證下明能住相十眼圓明而安住故文有五眼餘但義含第四成菩提

心下明得佛平等德謂佛佛相望有二平等故文卽爲三初明所依平等諸佛皆依清淨智故文中始發菩提心終成種智出生智用皆所依也次離世生法下明意樂平等同以調生爲意樂故後神通變化下作業平等同作受用變化業故第五功德解欲下明到無障處德以修一切障對治故福智皆淨離於二障文中初二句功德次二句智慧各上句障淨下句德滿次二句重顯功德餘四句重顯智慧第六所行寂靜下明不可轉法德謂教證二法他不能轉文中初二句略標教證謂寂靜證也於諸佛法教也恒以下別顯教念力下重顯證旣如空無著等他安能轉耶第七於諸世間下明所行無礙德謂雖於世間作利樂事世間八法不能礙故文中住菩薩心成堅固力等卽不礙之因也第八一切諸佛下明立不思議德謂安立正法凡愚不能思故文中初總顯一切教法皆是如來威力之所建立菩薩能知反顯凡夫不思入不二下別顯安立難思之相謂依無相而廣說故隨欲解之多端故並難思也第九法界爲身下明普見三世以身心等於法界故於三世事記別無差在文可見第十開示一切法下明身恒充滿一切國

撰述

大智度論卷第十五

三

官五

土謂爲開法故示現受用變化之身徧諸世界而爲利樂文相亦顯第十一得佛智慧下明智恒明達一切諸法謂於境善決能斷他疑故文相亦顯第十二具大威德下明了一切行謂具增上意樂能了有意樂性行如其所應而爲現身卽有威德第十三亦爲開示下明除一切疑謂聲聞人言其全無少分善根今能開示令其知當生如來妙智故心不障礙第十四於一切法心無動下明無能測身然有二義一謂其身非虛妄分別所起無煩惱業生雜染故不可測初一行經顯之二其身雖無分別如摩尼珠然由

佛增上及衆生勝解力見金色等而佛無有分別卽不壞諸有下經文顯之第十五雖隨世俗下明一切菩薩等所求智謂菩薩以無量文字調伏有情要依佛所聞法爲先獲得妙智故諸菩薩等皆求也文相甚顯第十六了一切法下明到佛無二究竟彼岸謂一切法空法界等卽佛無二法身依此法身修波羅蜜多等行而得圓滿爲從法界生第十七猶如虛空下明具足如來平等解脫謂一一如來所現身土皆徧法界猶如虛空無相無形不相障礙而不相雜隨其化緣現各別故故文云隨順演說於一境門生

標述

大方廣佛華嚴經疏卷四十五

三

宣正

一切智謂各順一一境故第十八觀十力地下卽證無中邊佛平等地謂三種佛身平等徧滿無有中邊之異故至薩婆若卽自受用智爲橋梁卽通變化見法無礙卽是法身結云善入諸地者卽佛十地也第十九知種種下明盡於法界謂此法界最清淨故能起等流契經等法極此法界於當來世作諸有情隨應利樂今文但有所起略無能起第二十所有大願靡不成就卽等虛空界窮未來際無有盡故方云成就上來略辨若廣引諸論如升兜率品第三佛子菩薩摩訶薩以此開下下顯德勝能中二初總明後雖

一切下別顯今初先標謂用此會事之德開示佛平等性者同有二十一種功德故後此是下總歎前德二別顯中餘九不言且廣初無礙之義自有四十一句初句有不礙無以有是無之有故後四十句明無不礙有以無是有之無故又前是一而不二後是不二而二及寂用相卽等並顯可知第二佛子菩薩入如是下證入諸法用中四初明證入二離證相三徵四釋今初十句初句明能證之定三昧智輪尚順梵語若正應云智輪三昧因定最勝名大威德則能下顯所證法謂證佛果法初句總無爲果爲證有爲果

二 擬述

一卷第十五章

三

四

曰得餘句別趣入釋證成就釋得圓滿通一積集約因圓清淨謂障盡定能安住慧能了達定慧兩亡則自性相應爲證入也二而此下明離證相以無念方證故尚不念無礙慧境況所證法有若干耶三徵意有三一何以證而無念耶二何以一定得多果耶三何以因定得果法耶四釋中二初略別釋後此三昧下廣以通釋今初別釋三徵一體性離念故二定體雖一用無邊故三以殊勝故因得果法後廣通釋者謂文廣義通通明上三句於中二先總標境是定之所緣深入是定證契威力是定之用三皆定體皆言種種故上云無邊具三又多故云殊勝後所謂下別顯有二十八句句皆有上三義如初句入卽深入義不可說等卽無邊義智門卽境界義其間或有闕無邊義蓋文略耳知智在說說爲智門二入功德智慧不二之莊嚴六入不空如來藏七悲智之境觀度無休餘可知第三佛子此菩薩摩訶薩住普賢下普德無盡於中四一正顯無盡謂非唯上列諸用又能念念入多三昧亦不能盡二徵徵意云旣念念入多何以不盡三釋意云此三昧緣境究竟無盡故文有十句初總餘別並可知四喻況於中有三喻喻前無盡

撰述

方丈居士集卷第十五

三

五

各有喻合前二合中復加徵釋一如意隨求喻定心隨應出法無盡徵意云何以出法無盡不匱息耶釋意云了多幻境皆同影像緣至則生何有盡耶體無增減何有匱息耶二生心各別喻喻緣境無盡可知三龍王降雨喻入法無盡於中初喻後合合中分三初正明入法合滴如車軸謂入廣大法故初句總智門下別皆云門者自他遊入故幻網者一切皆幻互爲緣起相交映故世界性空故無體隨緣染淨故有體又法性土故有體事土從緣故無體又淨刹順理故有體染刹妄成故無體餘可知一於一念下

入法時分合前降雨之時三如是入時下明入時相用合前無邊無盡無作境界於中三初十句明其相狀次求一切智下明其業用三徵釋所由今初初二句合雲無邊雨無盡不疲下合無作境無作卽無功用故身不疲心不厭不永斷不暫息未入常入故不退已入永常故不失無法非所入門故不住非處無心不契故恒正思惟不沈不舉正是入相一業用者隨入一一門皆有斯業門門卽不可盡文顯可知三徵釋中徵意有二二云菩薩豈無行滿成佛何以業用無際限耶二云設橫顯無盡可爾何以一一門中

撰述

大智度論卷四十五

三

三

用卽無盡後釋意亦一一云菩薩本爲衆生生無盡故用亦無盡二釋後意云生及世界旣如虛空故隨一門卽用無盡如芥子中空由此不但一門成多一念亦能成多事矣文中三初喻明火隨薪緣薪多火在喻菩薩生界緣廣用無有涯次合可知後轉徵釋徵意云菩薩何以起多業用釋意云爲普度生滿普願故第四是故諸菩薩下結示勸修中二初結勸勤修二佛子至如是修行普賢行下總結顯示今初謂菩薩心窮生界定用無涯故應修習文中二初舉所修之法後勤加下示勸修相今初是故諸菩薩五字

該下二段其所修法有十一句末後一句舉定名體前之十句別明無礙輪之業用於中倒牒前來諸文初種類者業用非一故如合龍喻中入法衆多是種類義二境界者卽定所緣如前妄念緣境喻三威德者卽通顯定用如前寶珠能出生喻四此上三種皆悉廣大一一無涯如前不見三昧前際故五數不可極如前入不可說智門等卽無邊故六並絕心言如前不作是念有若干菩薩等故七皆與智俱如前雖知諸法無作而能示現一切作業是權實明照故八體用齊於佛境則諸佛現前如前觀十力地至薩婆

0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

若故九如來護念如前諸佛攝受已入未來諸佛數
故十非但現用自在亦成昔善如前功德解欲悉清
淨故第二示修相中二初略示離過進德後不依下
別示離過進德於中先離過後於諸法下進德文並
可知第二總結顯示者遠則通結前來諸段近則逆
結上來進德之文欲一一配屬恐厭繁文大文第三
定滿成益文屬此定意兼前九於中四一外感佛加
益二內德圓滿益三上攝佛果益四正同佛果益初
中五一辨加所依謂在定時故二十方下顯能加者
三與如來下正顯加相四佛子菩薩下加以成用文
並可知五何以下徵釋所由徵意云普行既滿何須
盡未來際行調生行耶釋意云無障礙願法應爾故
已成大願真能調故第二佛子此菩薩獲如是下內
德圓滿益中四初牒前住定之因圓通牒上文並顯
可知二其心恒住下別示所滿十表無盡三佛子此
菩薩摩訶薩已到普賢下總結究竟四何以下徵釋
所由徵意云菩薩何以能滿爾所德耶釋意可知第
三佛子至以此三昧下上攝佛果益中三初正明次
何以故徵徵意云上是佛德何能攝耶後菩薩下釋
意云住此三昧能所作無餘同如來故於中三初正

撰述

大智度論廣說卷四十五

三

四

顯無餘之業故皆云一切二於此法中下明作業行
相初句總顯依前而作更不作餘不足之業住未足
等顯其作義如是已下總結前作三佛子下逐難重
釋謂廣前作如是業不作餘業文中三初略標舉其
中如作通身及意次徵徵意云何以不作餘耶後廣
釋釋意云若作異前非菩薩故文有十喻卽爲十段
各自有合一金剛不壞喻喻行體堅牢二真金妙色
喻喻善業外飾三日輪光明喻喻智慧圓明四須彌
四峰喻喻善根超出不合四峰若合可以四菩薩行
合也五大地能持喻喻大悲荷負六大海含水喻喻

大願普育七軍將明戰喻喻習定防怨八輪王護世
喻喻定清物惑九植種生長喻喻行增物善十時雨
生種喻喻法雨普成先喻後合合中二先正合後徵
釋前中云乃至者越初生種直合終成故由應時而
降故獲斯十四種益一得智果淨二障故二得斷果
達無相法故三得恩果住大悲故四得所依清淨究
竟彼岸果上四自利餘皆利他五了有情行令他歡
喜自離十怖則自歡喜六得斷疑七成應供次下諸
句由此而成文並可知後徵釋中徵意云菩薩依何
行力說法成斯大益釋意云由成大智證法界故尚

撰述

大方廣佛華嚴經卷四十五

三三

宣五

能淨無量行豈止成衆生耶文中二初標後所謂下釋釋中三初列所淨功德二佛子下結其廣多以別說難盡故三於如是等下顯能淨因同分善根者一善根廻向法界成主伴故超諸世間等者法性相應所修之福故超於世法性不並真故無有對餘並易了第四佛子菩薩摩訶薩住此三昧下正同佛果益於中二初正顯同有標徵及列等覺之名由此而立二爾時普眼下問答料據於中先問後答問中先牒前同佛後何故下陳已所疑於中初疑不名爲果後問不捨於因後爾時普賢下答中二初讚問牒是

後佛子此菩薩下正答所問於中三一法說二喻況三法合今初十一段次第答前十一問在文易了意猶難見謂何得已入十力而普行無息耶今總以喻顯如人習誦雖已得通而數溫習不如久精下香象喻顯相雖相似而體不同故瓔珞云等覺照寂妙覺寂照亦似功用滿位此無功用也亦顯得果不捨因盡未來際皆位後普賢故喻中三一舉象王依正勝嚴伊羅鉢那此云香葉常居第一金山之脇二若天帝下明象王神變自在言七牙者準賢首品但有六牙或是譯者類後三七便言七耳若作表義于何不

標述

大方廣佛說法華經卷四

三

三

可無能分別此象此天者正意取此以喻菩薩等佛之義三佛子彼伊羅下明不壞本而能現第三法合中分四一具衆行嚴合前依正二爲欲安處下明因果無礙合前神變自在三佛子菩薩摩訶薩本身下結成不壞因而現果合前不壞本而能現四何以故下徵釋重合初中可知二中二一明修無礙行所爲於中先爲果後增長下爲因二不捨普賢下正顯無礙行相於中先總明以法界因果無障礙故後現不可說下別顯於中分三初顯因門果行文有四果一智果二說法果二般若相應果四斷果次而現受生

下顯果從因行及說得時不同隨物現故後復於一切下顯果門因行並可知第三明不壞因而現果中本身不壞卽因不壞合在窟無變一切處變現卽能現果合在天神變四徵釋重合中先徵意云因果相違云何因門現果果復爲因釋意云調衆生法應如是故文中二先釋果作因意十句可知後佛子汝應下釋因現果意於中四一法說謂不捨因而現果二如伊羅下舉前喻顯三佛子下重以法合於中初明不捨因而現果後雖知諸法平等下不壞果而現因四佛子至安住下歎勝上來釋相竟第三結名可知

上來別釋十定竟最後佛子卽大文第三總結十對
大方廣佛華嚴經疏卷第四十五

丹陽府賀懋熙懋照懋瑩懋燾懋輝仰承

云門寺禮遺願施費刻此
廣佛華嚴經疏卷第四十五
三千一百箇 該銀六兩五錢五分 計字一萬

龍山釋海瓊對

崇禎五年孟秋月

徑自化城寺識



60

1

2

3

4

5

6

7

8

9

10

11

12

13

14

15

16

17

八
九

